



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GRAD
EREN
3183
BUHR

C 564,338





Մ. Տ. ԿԻՎԵՐՈՆԵԱՅ

ՂԵՂՏՈՍ

Կ Ա Մ

ՊԼԱՆ ԲԵՐԵԿԵՄՈՒԹԵԱՆ


Ա Ռ

Տ. ՊՈՄՊՈՆԻՍ ԱՏՏԻԿՈՍ

ԹԱՐԳԱՆԵԱՅ

Հ. ԵՓՐԵՄ ՉԵԳԼՃԵԱՆ

Ի ՄԻԻԹ. ՈՒՒՑԻՆ



50p.

Ի ՎԻԷՆԱ

Ի ՎԼԱՍ ՊԱՇՏՊԱՆ Ս. ԱՍՏՈՒԱԾԱԾՆԻ

1852 ՌՅԱ.


ORDAS

(1941)

CS123

Bulw

3183
0.10.49



Ի ԲԱՐՆԵՆՇԱՆ ԱԻԺԻՐ

ՈՒՐԱԽՈՒԹԵԱՆ

ՀԱՆԳԻՍԻ ՀԱՐՍԱՆԵԱՑ

ՊԵՏԱԾՈՂՈՒԹՅԱՆ ԵՐԵՎԱՆԻ ԵՐԿԵՐ

ԳՐԱԴԱՐԱՆԻ ՊԵՏԱԾՈՂՈՒԹՅԱՆ

ԵՐԿԵՐՈՒԹՅԱՆ

Ի ՆՇԱՆԱԿ

ԽՆԴԵԿՑՈՒԹՅԱՆ

ԶԵՆԱՑԻ

ՈՒՐՏ ՄԻՒԹԵՐԵԱՆ

Ի ՎԻԴԵՆԱ



Չհշտակազ քաղաքին զՀե-
պտան քաղաքուն, յայտա-
րար իմոյ ցնծայից ուրախու-
թեան Քեզ, Քսէզ, յղեմ:
Չքերմեռանդն իմ գեղձն փո-
խանակ ընդ իմ ոտ Քեզ
բարբառեացի: — Կացցէ ան-
թարլամ յամայր ամն պօսկն
բոլորանէ՝ զոր այտաւր Քո
գագաթն ընդունի: Բաճա-
խեցին փառք Արամայ՝ ի յա-
նախել Քոց ծննդոց, զոր եւ
մաղթէ Ուխտս, Լինել Քեզ
ի հազարս եւ ի բնութս:

Մ. Տ. ԿԻՎԵՐՈՆԵՆՑ

ՂԵՂՒՈՍ

Կ Ա Մ

ՎԵՍՆ ԲԵՐԵԿԵՄՈՒԹԵՆՆ

Ա Ռ

Տ. ՊՈՄՊՈՆԻՈՍ ԵՏՏԻԿՈՍ



ԿՈՒՐՏՈՍ ՄՈԿԻՈՍ ՀԱԼԱՂԷՍ ԲԱՂՈՒՄ ԻՆչ ՂԿ. Դ. Եղեայ զԷՐԱՆ աներոյն քաղցր եւ հեշտական բանիւք սովոր էր պատմել, եւ ոչ զանդաղէր յամենայն խօսս իմաստուն զնա անուանել: Ե՛՛՛՛՛ զի այնպէս յանձն արար հայր իմ առ Սկեւողա, յորժամ զառնացի պատմութեանն առի՞, զի որչափ ձեռնհաս իցեմ, եւ պատշաճ իցէ, չհեռանայցեմ ամենեւին ի ծերոյն: Եւ մին իրի բազում ինչ ի նորա ճառիցն՝ զոր մեծաւ իմաստութեամբ բարբառէր, եւ ի բանիցն՝ զոր դիպողագոյնս եւ կարճառօտս ասէր, ժողովեալ պահէի ի մտի իմում, եւ ջանայի իսկ մեծաւ փութով եւ հոգարարձութեամբ տեղեկագոյն նորա իմաստութեամբն լինել: Իբրեւ նա մեռանէր, յարուցեալ գնացի առ Սկեւողա քրմապետ, զորմէ իշխեմ ասել թէ գեր ի վերոյ քան զամենայն քաղաքացիսն իւրովն հանճարովն եւ արդարութեամբն է: Ե՛՛՛՛՛ զամանէ յայլում ժամու ասացուք. աւն առ այժմ առ հալաղէտ անդր դարձցուք:

Որպէս բազում անգամ զբազում ինչ գործս նորա յիշեմ, նոյնպէս եւ այս եւս յուշ լինի ինձ, եթէ մինչդեռ բազմեալ էր նա ի տան ըստ իւրում սովորութեան ի սրա-

Հի խորհրդեանն, յորժամ եւ ես ընդ նմա էի, եւ սակաւք եւս ի մերձաւոր բարեկամացն, յայն բան եկն՝ որ յայնժամ գրեթէ յամենեցունց բերանս կայր: Վանգի յիշես, Ատտիկէ, զի կարի ընտանի էիր Պ. Սուղպիկեայ (որ մինչ ռումկապետն էր, սաստիկ հակառակութեամբ էր ընդ Վ. Պոմպէի՝ որ բդեաշին կացեալ էր ի ժամանակին, ընդ որում երբեմն կարի ընտանութեամբ եւ սիրով էր,) թէ որչափ ինչ զարմանք յայնժամ մարդկանն էին, եւ քանի՞ն տրտունջքն:

Վասն որոյ Սկեւողա իբրեւ զայս յիշեաց, եղ մեզ առաջի զխօսան Ղեղեայ՝ զորս ընդ նմա եւ ընդ միւսում փեսայի իւրում Պ. Փաննեայ որդւոյ Մարկոսի Փաննեայ վասն բարեկամութեանն խօսեցեալ էր յետ սակաւ ինչ աւուրց Լփրիկանեայ մեռանելոյ: Օվճիւս նորա ճառիցն կալայ ի մտի, զորս ըստ պայմանի իմոց բանից յարդարեալ, կարգեալ եղի ի մատենիս յայսմիկ: Վանգի նոցին իսկ ետու բարբառել, զի մի յաճախադոյնս երկրորդիցեմ թէ Լսացի կամ Լսաց, եւ որպէս թէ նոցին մօտ հասեալ խօսիցին առաջի:

Եւ քանզի յաճախ խնդրեցեր յինէն, զի զբարեկամութենէ գրիցեմ ինչ, արդարեւ արժանաւոր ամենեցուն գիտութեան եւ մերում մերձաւորական ընտանութեան ինձ իրքն թուեցան: Ղմին իրի իսկ յօժարադոյնս եւ կամակարադոյնս զնոյն արարի, զի քո խնդրուածովք եւ բազմաց եւս յօգուտ եւ ի շահ լինիցիմ: Եւլ որպէս ի Վատոն երէց՝ որ է դրեալ առ քեզ զծերութենէ, զՎատոն ածի կացուցի ի մէջ, զի զծերութենէ ճառիցէ. քանզի չերեւէր որ քան զնա պատշաճագոյն զայնմ տիոց ճառելոյ. որ բազում ժամանակս ի հասակի ծերութեան եկաց, եւ ի նմին առաւել քան զայլն ծաղկեալ պայծառացաւ. նոյնպէս, քանզի ուսաք ի հարց եւ ի հաւուց մերոց եթէ Պ. Ղեղեայ եւ Պ. Սկիպիոնեայ ընտանութիւնն կարի իսկ արժանի յիշատակաց իցէ, պատշաճագոյն ինձ Ղեղիոս թուեցաւ, զի խօսիցի զբարեկամութենէ զայն ինչ՝ զորմէ յիշատակէ Սկեւողա թէ խօսեցաւ նա: Եւս ազգ բանից՝ որ հաստատեալ ի ճոխութիւն նախնեաց է, աւելի իմն զօրութիւն ունի. վասն որոյ եւ ես մինչ զիմ իսկ ճառս ընթեռնուցում, այնպէս իմն երբեմն

միտքս յուզին, զի համարիմ թէ ոչ ես ինչ, այլ ինքն իսկ Վատոն բարբառիցի:

Ե՛յլ որպէս յայնժամ առ ծերդ ծերս զծերութենէ գրեցի, նոյնպէս եւ ի սմին մատենի առ բարեկամդ բարեկամս զբարեկամութենէ դրեմ: Յայնժամ Վատոն ճառարկեալ խօսեցաւ, քան զոր դրեթէ չէր զք ծերագոյն եւ իմաստնագոյն ընդ այն ժամանակս. այժմ 'Ղեղի' որ ոչ միայն իմաստուն է, որպէս եւ համարեցաւ իսկ, այլ եւ բարեկամութեան փառքն պայծառագոյն, զբարեկամութենէ ճառէ: Վամիմ զի դու վայրիկ մի զմիտսդ յինէն ի բաց դարձուցանիցես, եւ համարիցիս եթէ ինքն իսկ 'Ղեղի' խօսիցի: Պ. Փաննիոս եւ Վ. Մուկիոս եկին առ աներն իւրեանց յետ Լփրիկանեայ մեռանելոյ. տքա սկիզբն առնեն բանին, տայ պատասխանի 'Ղեղի'ոս, որոյ ողջոյն իսկ բանքն զբարեկամութենէ են. զոր յորժամ ընթեռնուցուս, անձամբ յանձնէ զչափ անձին քո առնուցուս:



ՓԱՆՆԻՈՍ. Երգարեւ այդ այդպէս է, 'Ղեղի', քանզի չեղեւ զք ուրեք ազնուագոյն եւ պայծառագոյն քան զԼփրիկանոս: Եւ այց սակայն պարտ եւ պատշաճ է քեզ համարել այնպէս, եթէ ամենեցուն աչք ի քեզ հաստատեալ իցեն, զքեզ միայն իմաստուն անուանեն, եւ համարին իսկ այնպէս: Օչայս անուն Վատոնի երիցու միայն ետուն. զիտեմք իսկ քաջ եթէ եւ զՎ. Ետիղիոս հարքն մեր իմաստուն անուանէին. այլ զերկոսին եւս այլազգագոյն օրինակօք: Օ՛հ Ետիղիոս վասն այնորիկ՝ զի կարծէր իմն թէ ի քաղաքային իրաւունս իմաստուն իցէ. իսկ զՎատոն յայն սակս, զի բազում ինչ իրաց տեղեակ էր այրն, եւ զի ի ծերակուտին եւ ի հրապարակս բազում եւ ազգի ազգի իրս գուշակեալ էր, կամ մեծաւ հաստատութեամբ եւ պնդութեամբ ի գլուխ հանեալ, եւ կամ անհնարին կորովութեամբ արարեալ պատասխանի: Վսին իրի իսկ զիմաստունն անուն իրեւ յորջորջանս իմն ի ծերութեանն ժամանակի յանձին իւրում բարձեալ բերէր: Ե՛յլ դու այլով իմն օրինակաւ իմաստուն իցես. ոչ հանձարով միայն եւ բարոյիւք, այլ եւ ուսմամբն եւ գիտութեամբ:

Այլ ոչ հանգոյն խառնադանձ ռամկին, այլ որպէս գրա-
գէտքն եւ բազմահմուտք իմաստուն գրեզ անուանեն, որ-
պէս զի չիցէ որ այնպիսի ի համօրէն Յունաց աշխարհին .
զի որ զայսպիսի ինչ իրա բազում հաւաստեալ խնդրիցեն,
զանուանեալ եւթն իմաստունսն ոչ ի թիւ ի համար
իմաստնոցն խառնեն:

Աւեալ իսկ եմք եթէ մի որ եւեթ լեալ իցէ յԱթե-
նացւոց քաղաքի, որ եւ Ապողոնեայ եւս պատգամօքն ի-
մաստուն քան զամենայն մարդիկ համարեալ իցէ: Օնոյն
իմաստութիւն համարին թէ իցէ ի քեզ. զի զամենայն ինչ
որ քեզն պատշաճ իցէ, յանձին քում գտանես, եւ զպա-
տահարսն մարդկեղէնս չնչին եւ խոտան քան զառաքինու-
թիւն համարիս: Ասան որոյ խնդրեն իմն յինէն, եւ որ-
պէս ինձ թուի եւ ի Սկեւողայ եւս, թէ զիարդ Ափրիկա-
նեայ մահուանն տանիցիս. եւ առաւել վասն այնորիկ զի
ի մօտաւոր Ինունսն յորժամ ի Վ. Բրուտեայ հաւադի-
տի բուրաստանն եկաք ըստ սովորութեան, վասն զիրաց
ինչ խորհելոյ, դու չէիր անդ, որ սովորն էիր գալ անդր
հանապազ, եւ զնոյն գործ վճարել:

ԱԿԵՒՈՂԱ. Հարցանել հարցանեն բազումք, Չ. Չ ե-
ղի, որպէս Փաննիոս ասաց. այլ ես զայն ինչ զոր ի միտ
առի, տամ պատասխանի, թէ դու ցաւոցն՝ որում
մահ առնն երեւելոյ եւ քո բարեկամի պատճառք եղեն,
չափով իմն եւ զգաստութեամբ լինիցիս ժուժկալ .
(քանզի եւ չէր իսկ մարթ չխանդաղատել ընդ այն, զի
եւ ոչ այն քո մարդասիրութեան էր.) եւ ոչ առ տրոտ-
մութեան ինչ չեկիր ի մեր ժողովն, այլ վասն խօթու-
թեանն:

ՉԵՂԻ. Ըդդարեւ յիրաւի իսկ, Սկեւողա, ճշմարտու-
թեամբ ասես. քանզի չէ իսկ ի դէպ վասն կորստեան ինչ
իրիք՝ որ ինձ եհաս, ի պատշաճ պարտուցն պակասեալ
գտանել, զոր բազում հոգաբարձութեամբ վճարէի մինչ-
դեռ ողջն իսկ էր. եւ թուի ինձ թէ չէ մարթ առն հաս-
տատնոյ դիպօք ինչ դիպելովք դադարել եւ կասել յիւ-
րոց պաշտամանց:

Այլ դու, Փաննիէ, որ ասեսն թէ այնչափ մեծամե-
ծար պատուով զիս մեծարիցեն, որչափ ես չճանաչեմ ինչ
եւ չխնդրեմ իսկ, գործ բարեկամութեան գործես. բայց

սակայն ինձ այսպէս թուի, եթէ ոչ ուղղագոյն ինչ
զնապանէ խորհիցիս: Օչ կամ չեղեւ որ խնայուուն եր-
բեք, որ ինձ առաւել հաւանութեան թուի, եւ կամ
թէ եղեւ որ ուրեք, սա իսկ է: Վանգի զեարդ, թող
զայլսն, ժուժեաց տարաւ նա մահուան որդեկին: Յուշ
ածեմ զՊաւղոս, եւ զՎաղդոս քաջ գիտեմ: այլ սոցա
որդիքն ի տխրեղծութեան եւ ի մատաղական տիւ հասա-
կի, իսկ Վատոնի որդի՝ այր կատարեալ եւ պատուական
էր: Ոյր վասն զգոյշ լեր, մի մեծարոյ զոր քան զնապան
համարիցիս. նա եւ ոչ զնա եւս՝ զոր Մարտին, որպէս դուդ
ասես, քան զամենայն մարդիկ խնայանագոյն դատեցաւ.
քանզի սորա գործքն, այլ նորա բանքն եւեթ մեծարեալ
գովին:



Իայց դուք, քանզի եւ երկոցունց եւս խօսել կամիմ,
զինէն այսպիսի ինչ ածէք զմտաւ:


Եւ եթէ յուրաստ ինչ լինիցիմ եւ առիցեմ, թէ չյու-
զիմ անձկովն Սկիպիոնեայ, տեսանիցեն իմաստունքն թէ
քանիսն ճշմարտութեամբ զայն առնեմ: այլ արդարեւ
սուտ խօսիցիմ: Վանգի յուղիմ եւ շարժիմ վասն յայն-
պիսի բարեկամէ զըկելոյ, որում, որպէս կարծեմն, չլինիցի
որ նմանագոյն. եւ մարթ իսկ է ասել հաստատութեամբ,
թէ եւ եղեւ իսկ ոչ երբեք: Իայց սակայն ոչ դարմանովք
ինչ կարօտանամ, անձամբ զանձն սփոփեմ, եւ առաւել
այնու իմն միտիթարութեամբ, զի չուրիմ զայն մորթու-
թիւն՝ որով բազումք ի մեռանել բարեկամացն նեղեալ
տաղնապին. զի համարիմ իսկ այնպէս թէ ոչ չարիք ինչ
հասեալ իցեն Սկիպիոնեայ. եւ եթէ եհաս եւս ինչ
ինձ եհաս: Եւ վասն իւրոց վշտացն սաստիկ տա-
ռապել ոչ եթէ ի կարի զբարեկամն սիրելոյ լինիցի, այլ
առ ի բազում գութ ընդ իւր անձնն ունելոյ:

Եւ արդ ո՞ր չառնուցու յանձն թէ բազում փա-
ռաւորութիւն էր առնն: Վանգի բաց յանմահութենէն՝
որում եւ ցանկայր իսկ ոչ, ի՞մ իմիք չեհաս նա՝ ուրում
ի դէպ եւ վայելուչ իցէ մարդկան ցանկանալ: Եւ զմեծ
յոյս ակնկալութեան իւրոց տոհմային քաղաքացեացն՝

զոր անդստին ի մանկութենէ նորա զնմանէն ունէին, ան-
ցուցանէր զանցուցանէր իւրովն հանապազորդ եւ չհաւա-
տալի առաքինութեամբն: Չեղեւ հետամուտ բռնչիու-
թեան, սակայն երկիցս բռնչիւ եկաց. զառաջինն վաղ
ուրեմն քան զժամանակն⁴. եւ երկրորդ անգամ յիւրում
խսկ ժամանակի վասն իւր, այլ վասն ընկերհաշտութեանն
անագան ուրեմն: Ար զերկուսին քաղաքսն⁵ զանհարին
թշնամիս պետութեանս այսորիկ ի հիմանց բրեալ, ոչ
զմտաւոր մարտս պատերազմաց միայն, այլ եւ զհան-
դերձեալսն եւս բարձ ի միջոյ: Օքնչ զմեղմական բա-
րուցն ասիցեմ, զեւնչ զճերմեռանդն սիրոյ զոր առ մայրն
ունէր, եւ կամ զեւնչ ինչ զմարդասէր խնամոցն զոր առ
քորսն ցուցանէր, կամ զընդեւական բարեկամութենէն՝
որով ընդ իւրսն վարէր, եւ կամ զարդարութենէն առ
ամենայն դր: Այս ամենայն յայտնի եւ ծանօթաւոր ձեզ
են: Այլ թէ որչափ ինչ սիրելի եւ ցանկալի քաղաքին
էր, յայտ ի տրտմութենէն եղեւ՝ որ պատեալ էր զամե-
նեքումբք ի ժամանակի յուղարկաւորութեան նորա: Իսկ
արդ զեւնչ ինչ շահս կարէր նմին գործել սակաւ ամացն
յաւելուած: Հասակ հինօրեայ ծերութեան թէպէտ եւ
ծանրատաղտուկ եւ դժնդակ չիցէ, որպէս յիշեմ իսկ՝ թէ
Ատտոն միով ամաւ յառաջ քան զմեռանելն՝ ընդ իս եւ
ընդ Ակիպիոնեայ խօսեցաւ, բայց սակայն բառնայ
զայն դալարութիւն եւ զվայելութիւն՝ յորում յայն-
ժամ դեռ եւս կայր Ակիպիոն:

Ասան որոյ այնպիսի ինչ ի կեանս նորա բախտն եւ
փառք եղեն, զի չէ մարթ յաւելուլ ինչ ի նոսա. այլ
երազութիւնն չեա թոյլ զգալ մահուն: Այս ազգ
մահու դժուարին առ ասել է. տեսանես ապաքէն եթէ
զեւնչ կարծեցին մարդիկն: Այց սակայն զայս ինչ ի դէպ
եւ պատշաճ է ասել ճշմարտութեամբ, եթէ Պ. Ակիպիո-
նեայ՝ ի բազում աւուրց կենաց իւրոց՝ որ նմա մեծապայ-
ծառ փառաց եւ ցնծալից ուրախութեան պատճառք ե-
ղեն, այն օր առաւել պայծառադոյն լեալ իցէ, յորում
յետ ծերակուտին արձակելոյ ածաւ ի տուն ընդ երեկս, ի
խորհրդականացն եւ ի ժողովրդենէն Հռոմայ եւ ի նիզա-
կակցացն եւ ի Վատինացւոց միով աւուրք յառաջ քան
զմեռանելն⁶. զի թուի իմն եթէ յաստիճանէ անտի այն-

պիսի մեծապատիւ փառաւորութեանն առ դիս մանաւանդ եւ ոչ ի սանդարամետս գնացեալ իցէ: Վանզի չեմ ինչ հաճեալ եւ հաւանեալ նոցա, որ ի սակաւ ժամանակաց հետէ առին ասել թէ ընդ մարմնոյ եւ ոգիքն կորնչին, եւ ամենայն ինչ մահուամբն բառնին ի միջոյ:



Սարի մեծարոյ համարիմ ես զՏնոցն ճոխութիւն եւ կամ զմերոց նախնեաց, որ զմեռեալսն այնչափ նուիրական պաշտամամբք յուղարկաւորութեան պատուեն. զոր չառնէին իսկ, եթէ համարէին թէ չունիցին ինչ ընդ նոսա հաղորդութիւն իրքն. կամ զնոցայն որ ի սմին աշխարհի բնակեցին, եւ զմեծ Յունաց աշխարհ որ այժմ անկաւ ի փառացն, յորժամ յիւրում փառաւորութեանն էր, ազգի ազգի խրատութեւ հրահանգօք պատուիրանացն տեղեակ եւ հմուտ գործէին: Եւ կամ զայնր որ պատգամօք Վպողոնեայ դից՝ քան զամենայն մարդիկ իմաստուն համարեցաւ, որ ոչ եթէ հանգոյն բազմաց ի մարդկանէ մերթ զայս ինչ եւ մերթ զայն ասէր, այլ ցանգ իսկ եւ հանապազ զնոյն բան երկրորդէր՝ թէ ոգիք մարդկան աստուածեղէնք իցեն, եւ յորժամ ի մարմնոցն մեկնեալ բաժանիցին, յերկինս դառնայցեն, որ լաւացն եւ արդարոց կարի իսկ յոյժ դիւրագոյն դիպիցի:

Այս եւ Վկիպիոնեայ եւս այսպէս թուէր, որ սակաւ աւուրբք յառաջ քան զմեռանելն, յորժամ Փիղոս եւ Սանիդիոս եւ այլ եւս բազումք մօտ էին, մինչ եւ դու եւս, Վկեւոդա, ընդ իս անդր եկիր, որպէս թէ յառաջագոյն իմացեալ էր, զերիս աւուրս զընկերհաշտութենէ ճառ արկեալ խօսեցաւ, որոյ հուսկ յետին բանքն գրեթէ զոգւոցն անմահութենէ էին, զորոց ասէր եթէ յանուրջս յԱփրիկանեայ լուայ: Աթէ այս այսպէս իցէ, զի լաւացն ոգիք դիւրագոյնս թռանիցին ի մահուանն, իրրեւ ի բանտէ եւ ի կապանաց մարմնոյ, զո՞ ոք մարթ իցէ մեզ համարել՝ որ քան զՎկիպիոն դիւրագոյն առ դիս գնացեալ իցէ: Ասան որոյ կասկածեմ ընդ այնպիսի ինչ՝ որ նմին դէպ եղեւ, տրտմել եւ տխրել, զի մի առաւել նախանձոտի՝ քան բարեկամի գործ լինիցի: Իսկ

եթէ ճշմարիտ եւս իցէ եթէ նոյն եւ միօրինակ կորուսեամբ ոգիքն եւ մարմինք կորնչիցին, եւ արդունին ինչ այնուհետեւ չմնայցէ, յայտ իսկ է թէ որպէս բարի ինչ ի մահուան չգտանի, նոյնպէս եւ ոչ չար ինչ ի նմին գտանիցի: Վանգի յորժամ արդունին կորնչիցի, ընդ այն համար է որպէս թէ եւ ծնեալ իսկ չիցէ. բայց սակայն ցնծամբ մեք թէ ծնաւ նա, եւ քաղաքս եւս այս, որչափ եւ կայցէ մնայցէ՝ ընդ այն զուարթացեալ զուարճանայցէ: Հայն սակս, որպէս կանխադոյն ասացի, բարիոք իսկ այն նմին եղեւ, այլ ինձ կարի ծանր եւ դժնդակագոյն. քանզի արժան իսկ էր, զի որպէս ես յառաջագոյն ի կեանս մտի, նոյնպէս եւ յառաջագոյն ելանիցեմ: Բայց սակայն յիշատակաւ մերոյ բարեկամութեանս այնպէս իմն ուրախ լինիմ, մինչեւ թուի ինձ եթէ երանելի կեանս կեցեալ իցեմ, զի ընդ Սկիպիոնեայ կեցի. ընդ նմին զհասարակաց եւ զառտնին իրս վճարեցի, ընդ նմա ի խաղաղութեանն էի, եւ ընդ նմին ի պատերազմի. նա եւ այն եւս՝ յորում ողջոյն իսկ բարեկամութեանն զօրութիւն հաստատեալ կայ, կամաց եւ յօժարութեան եւ խորհրդոց կատարեալ միաբանութիւն ընդ միմեանս ունէպք: Ոյր վասն ոչ այնչափ համբաւն այն իմոյ իմաստութեանն, մանաւանդ թէ սուտ համբաւն, զոր արդ եւս փաննիոս յիշեաց, ուրախ զիս առնիցէ, որչափ այն, զի ակն ունիմ յուսաբեց եթէ յիշատակ մերոյ բարեկամութեանն մշտնջենակաց լինիցի: Եւ այն եւս ինձ կարի հեշտական է, զի ի համօրէն դարս երեք կամ չորք բարեկամութիւնք սմին նմանագոյնք հազիւ թէ գտանիցին. եւ թուի ինձ եթէ Սկիպիոնեայ եւ Վեղեայ բարեկամութիւնն ի նոցին սակի յետնոցն ծանօթ լինիցի:

ՓԱՆՆՈՍ. Ըրդարեւ, Վեղի, հարկ է թէ այդ այդպէս իցէ. այլ քանզի զբարեկամութենէ յուշ արարեր, եւ դատարկ իսկ եմք, գործ մի կարի հաճոյական ինձ առնիցես, թուի ինձ թէ եւ Սկեւոզայ եւս, եթէ, որպէս սովոր իսկ ես զայլոց իրաց, յորժամ ի քէն խնդրիցին՝ խօսել, սոյնպէս եւ զբարեկամութենէ խօսիցիս, եւ յայտ արարեալ ցուցանիցես եթէ զինչ զայնմանէ կարծիցես, եւ որպիսի ինչ զայն հաշուիցիս, եւ զինչ պատուէրս վասն նորին տայցես:

ՍԿԵՒՈՂԱՍ. Եւ ինչ եւս կարի հաճոյ ընկիցի. եւ յոր-
ժամ ընդ քեզ զայնմանէ կամէի խօսել, փաննիոս կան-
խեաց քան զիս. վասն որոյ երկոցունցս եւս հաճոյական
ինչ առնիցես:



ՎԵՂԻ. Բազում յօժարութեամբ եւ ախորժիւք
զայնմանէ խօսէի, եթէ բաւական այնմ զանձն համարէի.
մանաւանդ զի եւ իրքն՝ որ առաջի կան, կարի զարմանալիք
են, եւ եմք իսկ, որպէս փաննիոս ասաց, դատարկ եւ ան-
գործ: Այլ ո՞ր իցեմ ես, կամ զի՞նչ իցէ կար զօրու-
թեան իմոյ: Իմաստնոց եւ գիտնոց միայն սովորութիւն է,
եւ մանաւանդ իմաստնոցն Յունաց, զի առաջի դնիցի նո-
ցա ինչ՝ զորմէ ճառ արկեալ խօսիցին, թէպէտ ափ յափոյ
վաղվաղակի: Այս գործ մեծ է, եւ կարօտ բազում հրա-
հանգժք: Այն որոյ ինչ այսպէս թուի եթէ զոր զբարե-
կամութենէ ճառել մարթ իցէ, ի նոցանէ՝ որ զայնպիսին
գիտել խոստանայցին, պարտ եւ պատշաճ է ձեզ խն-
դրել: Այլ ես թելադիր եւեթ լինել ձեզ կարող եմ,
զի զբարեկամութիւնն նախամեծար քան զամենայն իրս
մարդկօրէնս համարիցիք: Վրանզի չեք ինչ այնպէս պի-
տանացու՝ բնութեանն, եւ այնչափ պատշաճագոյն ամե-
նայն իրաց, թէպէտ աջող իցեն թէպէտ ձախող:

Սակայն թուի ինչ նախ՝ թէ չէ մարթ բարեկամու-
թեանն լինել՝ բայց ի լաւսն եւեթ: Այլ ճշգրիտ ինչ զայն-
մանէ ասիցեմ, հանգոյն նոցա՝ որ բազում նուրբ բանիւք
զայնմանէն ճառիցեն. թերեւս ճշմարիտ նոցա բանքն ի-
ցեն, ոսկայն դոյզն ինչ եւ փոքր առ ի շահ օգտութեան
հասարակաց: Վրանզի չառնուն յանձն եթէ մարթ իցէ
ուսմք առանց իմաստութեան վարս լաւութեան ունել⁸:
Եւ ես իոկ կամիմ զի այդ ճշմարիտ իցէ: Այլ զայնմ
իմաստութենէ յայտ առնեն, որում չեւ եւս տակաւին
եհաս ոք ի մարդկանէ: Իսկ մեզ յայնո՞ր ի պիտանու-
թեան եւ ի հասարակաց կեանս մարդկան իցեն, եւ ոչ ի
նոսին որ հնարեալքն եւ կամ տենչականք իցեն, պարտ
եւ պատշաճ է ուշ եղեալ հայել: Չասեմ ինչ թէ
Վ. Փարրիկոս եւ Մ. Կուրիոս եւ Տի. Կորունկան՝ զորս

նախնիքն մեր իմաստունն հաշուէին, ըստ նոցա մտացն իմաստունը իցեն: Ասան որոյ իւրեանց անձանց պահեցեն զնախնիքն եւ զմիջին անուն իմաստութեանն. զայն միայն առնուցուն յանձն մեզ շնորհել, թէ մեր նախնիքն արք լաւք լեալ իցեն: Սակայն չառնուն եւ զայն յանձն. քանզի իմաստնոց միայն, ասեն, մարթ է զայն շնորհել:

Եւ արդ թանձրագոյնս բարբառեսցուք, որպէս ասենն:

Ար այնպէսն վարիցին եւ այնպիսի կեանս կեցցեն, զի իւրեանց հաւատարմութիւնն եւ անարատութիւն եւ արդարութիւն եւ առատամիտ բարքն երեւիցին, եւ ազատ ամենեւին ի ցանկութեանց եւ ի ժպրհութենէ իցեն, եւ ունիցին բազում հաստատութիւն պնդութեան, որպիսիք ոքք նոքա զորս յիշեցաքն՝ էին, զարան զայնոսիկ՝ լաւս, որպէս եւ եղենն իսկ, նոյնպէս եւ արժանիս անուանելոյ համարեսցուք: Վրանզի ի կիրթ անկեալ երթան ըստ մարդկան կարի զհետ բնութեանն, որ առաջնորդ ազնուագոյն բարւոք կեանս վարելոյ է: Եւ ինձ այսպէս թուի, եթէ յայն սակա ծնեալ իցեմք, զի յամենեցունց միջի հաղորդութիւն ինչ ընկերութեան լինիցի, որ այնչափ յաճախագոյն լինիցի, որչափ աւելագոյն մերձաւորութիւնն իցէ: Եւ մին իրի իսկ քաղաքացիքն քան զպանդուխտս, եւ ընտանիքն քան զօտարոտիսն աւելագոյն հաղորդք միմեանց գտանին: Վրանզի զբարեկամութիւնն՝ զոր ընդ սոսա ունիմք, բնութիւնն ինքնին ծնանի. այլ այն չունի ինչ կայ եւ հաստատութիւն. քանզի այնու իմն բարեկամութիւնն քան զազգականութիւն առաւել գտանի, զի յազգականութեանն մարթ է զգութն ի բաց թողուլ, այլ ի բարեկամութեանն չէ մարթ, չէ հնար: Օ՛հ եթէ գութն եւ խնամք ի բաց ի միջոյ բարձցին, բարեկամութեանն անուն ջնջեալ կորընչի, այլ ազգականութեանն կայ մնայ տակաւին: Եւ տրտաին մարթ է ի միտ առեալ ճանաչել թէ քանի՞ն ինչ զօրութիւն բարեկամութիւնն ունիցի, զի ի բազում միաբանութեանցն մարդկան՝ զորս ինքնին բնութիւնն կարգեաց եղ, այնպէս իմն ամիոփեցան իրքն եւ անձկագոյն եղեն, զի ամենայն սէր եւ գութ կամ յերկուց եւ կամ ի սակաւաւորաց միջի խառնեսցի:



Իսկ բարեկամութիւնն ոչ այլ ինչ է, բայց ամենայն աստուածեղէն եւ մարդկեղէն իրաց մեծաւ իմն խնամով եւ սեռն սիրով միաբանութիւն։ Ազիտեմ եթէ իցէ ինչ անմահ զիցն մարդկան պարզեւեալ քան զսոյն ազնուագոյն բաց յիմաստութենէ։ Ոմանք զընչաւետութիւն նախամեծար համարին, կէսք զառողջութիւն մեծարոյ հաշուին, այլք զիշխանութեանն մեծութիւն առաւել համարին, ոմանք զմեծապատիւ փառաւորութիւնս, եւ բազումք եւս զփափկութիւն եւ զցանկութիւն քան զամենայն ինչ լաւագոյն դնեն։ Եւ այս յետինս անասնոց միայն է. իսկ առաջինքն եղծականք եւ անհաստատականք, եւ ոչ եթէ ի մեր ինչ խորհուրդս հաստատեալք, այլ ի բախտին փոփոխութիւն ապաստան։ Իսկ որ յառաքինութեանն զկատարեալ բարութիւնսն դնիցեն, նոքա կարի իսկ անուանիք եւ պայծառագոյնք են. սակայն սոյն այս առաքինութիւն է, որ զբարեկամութիւնն ծնանիցի եւ հաստատուն ունիցի. եւ չէ իսկ մարթ բարեկամութեանն առանց առաքինութեան լինել։

Եւ պարէն զառաքինութիւնն ի կարգէ անտի կենաց եւ բանից մերոց յայտ արարեալ ցուցանեմք, եւ ոչ զայն ի մեծութենէ ինչ բանիցն չափեմք, որպէս ոմանք յիմաստնոցն առնեն։ Եւ զէն զարսն զայնոսիկ, որ արդեամբք իսկ լաւք հաշուիցին, այնպիսիս համարեսցուք. զՊաւղոս ասեմ, եւ զԵրան, զՎաղղոս եւ զՍկիպիոն եւ զՓիղոս։ Ասոցա չափ ինչ կեանսն ամենեքին շատ համարին. Թողցուք զայնս որ բնաւ եւ գտանիցին իսկ ոչ ուրեք։ Այդ յայսպիսի արանց միջի այնպիսի իմն մեծաշահ օգտութիւնս ունի բարեկամութիւնն, զոր չէ դիւրին յայտ առնել։

Վախ՛ ո՛ր ԿԱՐԻՅԷ ԿԵՆԴԱՆԱԿԱՆ ԿԵՆՍ ՈՒՆԵԼ, որպէս Եննիոս ասաց, ՈՐ ՈՉ Ի ԽՆԱՄՍ ԲԱՐԵԿԱՄԻՆ ՀԱՅԵԱԼ ՀԱՆԴՁՆԻՒՄ։ Այնչ քաղցրագոյն քան զայն կայցէ, յորժամ այնպիսի դք ընկեր ունիցիս, ընդ որում այնպէս զամենայն ինչ խօսել համարձակիցիս, որպէս ընդ քո իսկ անձնդ։ Այնչ ինչ վայելութիւն ի յաջողութեան գտանիցի, եթէ չունիցիս զոք՝ որ իբրեւ զքեզն ընդ այն զուարճացեալ բերկրեսցի։

Իսկ ձախողանաց տանել կարի դժուարին եւ ծանրատաղտուկ լինէր, եթէ չէր որ աւելագոյն քան զքեզ ընդ այն տրտմէր եւ տխրէր: Այլ զի ի կարճոյ հատից, այլ ամենայն իրք որ խնդրիցին, իւրաքանչիւր պատշաճ առաւանձինն ինչ իրս են. արարք՝ զի նորօք վարիցիս, եւ աւագութիւն՝ զի այլոց ամուր ապաստանի լինիցիս. պատիւ՝ զի մեծարեալ պատուեսցիս. իրք զուարթարարք, զի նորօք ուրախ լինիցիս. առողջութիւն՝ զի անցաւ եւ առանց վշտաց լինիցիս, եւ զմարմնոյ պաշտամունսն վճարիցես: Այլ բարեկամութիւնն բազում ինչ բովանդակեալ ունի. յոր կողմն եւ դառնայցես, անդէն կազմն եւ պատրաստական է. ոչ ի վայրաց ուրեք մերժի, ոչ անժամ ինչ է եւ ոչ տաղտկալի: Ասան որոյ, որպէս ասենն, ոչ այնչափ ջրով եւ հրով պաշտիմք, որչափ բարեկամութեամբն: Այլ ոչ եթէ զլոկ եւ զչափ ինչ բարեկամութենէն ասիցեմ, թէպէտ եւ այն եւս ուրախ առնիցէ եւ բազում մեծաշահ օգտութիւնս ունիցի, այլ զճշմարիտ եւ զկատարեալ բարեկամութենէ ասեմ, որպիսի ինչ նոցայն էր, որ դուռն ուրեք եւ անօտր յիշատակին: Քանզի եւ զաջողութիւնսն լուսաւորագոյն եւ պայծառագոյն առնէ բարեկամութիւն, եւ զաջողութիւնսն՝ բաժանեալ եւ բաշխեալ թեթեւս եւ դիւրինս գործէ:



Թէպէտ եւ բազում եւ մեծամեծ օգտութիւնս բովանդակեալ ունի բարեկամութիւն, այլ այն իմն գեր ի վերոյ քան զամենայն է, զի բարւոք յոյս ակնկալութեան մատուցանէ վասն առ յապա ժամանակաց. եւ չախորժէ բնաւ, զի ոգիքն ծնգիցին եւ ի վատութիւն կործանեսցին: Այլ դարձեալ եթէ ի բարեկամն որ նայիցի, իբրեւ յիւր ինչ պատկեր նայիցի: Ասան այնորիկ եթէ հեռաւորք իցեն՝ մօտ իսկ են, եւ եթէ կարօտեալք՝ լցեալ առաւացեալ, եթէ տկարք իցեն, հզօրք են զօրութեամբ. եւ որ դժուարին առ ասել է, եթէ եւ մեռեալ եւս իցեն, կեան եւ զկենդանութիւն կրեն. այնչափ պատիւ եւ յիշատակ եւ անձուկ բարեկամացն զհետ գնայ նոցա: Արով նոցա մահն երանելի թուի եւ սոցա կեանքն գովելի: Այլ,


եթէ զկապ գլխոյ եւ զխնամոց ի բնութենէ իրացն ի բաց բառնայցես, ոչ տուն ինչ եւ ոչ քաղաք կարէ կալ յիւրում կայի, եւ չմնայ ազարակաց մշակութիւն: Եւ եթէ չիցէ մարթ առնուլ քաջ ի միտ, թէ որչափ ինչ զօրութիւն իցէ բարեկամութեանն եւ միաբանութեան, ի խռովութեանցն եւ ի չմիաբանութեանց մարթ եւ պատշաճ է ի միտ առեալ ճանաչել: Վանգի որ տուն հաստատուն, կամ որ քաղաք այնպէս ամրաշէն իցէ, զոր աւելութիւնն եւ պառակտութիւն չիցեն կարող ի հիմանց բրել: Յորմէ մարթ է ի վերայ հասանել եթէ քանի՞ն բարութիւնք ի բարեկամութեանն գտանիցին: Պատմի իմն եթէ ոմն ուրեմն յԱզրիգենդացւոց քաղաքէ՞, այր հմուտ, յունական նուագօք ըղձութիւնս առնէր, թէ որ ինչ ի բնութիւնս իրացն եւ ի համօրէն աշխարհի հաստատուն կայցէ եւ որ ինչ շարժիցին, զնոսին բարեկամութիւնն ընդ միմեանս խառնեալ զօղէ, եւ չմիաբանութիւն քակտէ եւ բաժանէ յիրերաց: Սմին ամենայն համօրէն մարդիկ խելամուտ լինին, եւ արդեամբք իսկ ցուցանեն զհաւաստիսն: Եւ արդ ո՞ այն ոք իցէ՞ որ ոչ մեծաւ դրուատեօք գովեցէ զգործ բարեկամին, յորժամ նա ձգունս վասն իւրոյ բարեկամին յանձն առնուցու, կամ կցորդ վշտացն եւ վտանգաց լինիցի: Արպիսի գոչիւն եւ աղաղակ չեղեւ լսելի փղըր մի յառաջ յողջոյն իսկ թատերն, ի տեսլեան անդ խաղուն՝ զոր բարեկամն իմ եւ ասպնջական Մ. Պակուրի արար. յորժամ անգիտակ էր թագաւորն եթէ ո՞րք յերկոցունցն Արեստն ¹⁰ իցէ: Պիղադէս ասէր զանձնէ թէ ինքն Արեստն իցէ, զի փոխանակ նորա մեռցի. իսկ Արեստ, որպէս եւ էրն իսկ, պնդէր թէ ինքն իցէ: Եւ հանդիսատեսքն կոփիւնս եւ դոփիւնս հանէին ընդ իրսն կերպարանեալս. զինչ ինչ յայնժամ չառնիցեն, յորժամ արդեամբք իսկ իրքն գործիցին: Ընդէն ի նմին վայրի յայտ առնէր բնութիւնն զեւր զօրութիւն. քանզի մարդիկ զայնմանէ՝ զոր ինքեանք չկարէին վճարել, վճիռ իմն բերէին թէ որ արարն զայն՝ բարւոք գործեաց: Խուլի ինչ եթէ զոր զբարեկամութենէն կարծէի՝ ասացի մինչեւ ցայս վայր: Եթէ իցէ եւ այլ եւս ինչ, (քանզի եւ է իսկ, որպէս ինչն թուի, բաղում ինչ) ի նոցանէ՝ որ զայնմանէն ճառիցեն, խնդրեցէք թէ կամիք:

ՓԱՆՆԻՍ. Այլ մեք առաւել ի քէն խնդրեմք, թէ պէտ եւ բազում անգամ եւ ի նոցանէ եւս խնդրեցաք եւ լուաք կամօք եւ ախորժիւք. բայց այլ իմն են կարգ բանից քոց, զոր ցանկամք լսել մի ըստ միոջէ:

ՍԿԵՒՈՂԱ. Յայնժամ մանաւանդ զայն ասէիր, Փաննիէ, եթէ փոքր մի յառաջ ի պարտիզի անդ Սկիպիոնեայ՝ յորժամ զընկերհաշտութենէ բանք ճառէին, մօտ լեալ էիր: Արպիսի պաշտպան արդարութեանն եղեւ յայնժամ ընդդէմ նուրբ եւ պաճուճազարդ ճառիցն Փիղոսի:

ՓԱՆՆԻՍ. Կարի դիւրագոյն այն աջողէր, առն արդարոյ՝ արդարութեանն պաշտպանել:

ՍԿԵՒՈՂԱ. Օ՛հնչ բարեկամութեանն պաշտպանել իցէ. ոչ ապաքէն գործ մի դիւրին է այնմ որ վասն մեծաւ հաւատարմութեամբ եւ բազում հաստատութեամբ եւ արդարութեամբ զայն պահելոյ, մեծապատիւ մեծարեցաւ:



ՂԵՂԻ. Ո՛չ ապաքէն բռնադատութիւն իցէ այս. քանզի զ՛հնչ փոյթ իցէ ինձ եթէ այսպէս եւ կամ այլաբռնակս ինչ բռնադատիցէք: Արդարեւ բուռն լինիք ինձ. քանզի կարի դժուարին է եւ ոչ արդար ինչ յօժարութեան փեսայիցն մանաւանդ յիրս ազնուագոյնս դիմադարձ լինել: Եւ արդ բազում անգամ յորժամ զբարեկամութենէ ածիցեմ զմտաւ, այն իմն առաւել արժանի խորհելոյ ինձ թուի, եթէ վասն տկարութեան ինչ արդեւք եւ կարօտութեան՝ ցանկացեալ իցէ մարդկան ընդ բարեկամութիւնն. զի բարերարք եւ երախտաւորք միմեանց լինալ, զոր ինքն չունիցի, զայն յայլմէ առնուցու, եւ ինքն եւս գարձեալ զայնր փոխարէնս հատուցանիցէ:

Այս ինչ սեպհական բարեկամութեան իցէ: Այլ այլ ինչ պատճառք պատուականագոյնք եւ գեղեցկագոյնք ի միջի կան, որ առաւել ընտարոյսք եւ բարոյածինք են: Վրանզի սէր յորմէ բարեկամութիւնն ¹¹ առնու զանուանումն, սկիզբն է ի մի միաբանութիւն զինաման խառնելոյ: Օ՛հ բազում անգամ եւ ի նոցանէ եւս՝ որ կերպարանօք

բարեկամութեանն մեծարեալ պատուիցին, եւ վասն պատ-
շաճութեան ժամանակին պաշտօն առնուցուն, բազում
շահս եւ օգուտս մարթ է գտանել: Այլ ի բարեկամու-
թեանն չիք ինչ կեզծեօք կամ կերպարանեալ. եւ որ իցէ
ինչ ի նմին, ճշմարիտ է եւ ի յօժարութենէ կամացն
գործեալ: Այլ վասն թուի ինչ եթէ բնութիւնն եւ ոչ
կարօտութիւն ծնեալ իցէ զբարեկամութիւն, եւ յօժա-
րութիւն սիրոյ եւ խնամոց, քան խորհուրդք եւ յիշատակ
շահից իրացն եւ օգտութեան: Ասորին հանգամանս
մարթ իսկ է եւ յանասնոց ի միտ առնուլ, որք զիւրեանց
ծնունդսն, եւ ծնունդքն եւս զիւրեանց ծնանելին
այնպիսի ինչ սիրով սիրեն առ ժամանակ մի, որպէս զի
դիւրաւ մարթիցի ոք խելամուտ լինել թէ որչափ ինչ
գութ ընդ միմեանս ունիցին: Այլ ի մարդիկ եւս իմն
աւելի յայտնագոյն երեւիցի: Ախի ի սիրոյն որ ի ծննդոցն
եւ ի ծնանելեացն միջի կայցէ, զոր անհնարին ինչ եղեռն
եւեթ մարթի եղծանել: Արկրորդ անգամ անտի իսկ, զի
եթէ զայնպիսի ինչ սք գտանիցեմք, որում բնութեամբն
եւ բարութ միաբան եւ հաւանք եւ հաւասարք գտանիցեմք,
անդէն վաղվաղակի միտեալ յօժարիցիմք զնա սիրել,
քանզի համարեմք այնպէս թէ ճաճանչ իմն լաւութեան
եւ առաքինութեան ի նմին նշմարեալ տեսանիցեմք:

Չեք ինչ քան զառաքինութիւն ցանկալի, եւ ոչ որ
այնպէս յօժարագոյն ի սիրել կազմիցէ: Անզի զնոսա
եւս՝ զորս եւ տեսանեմք իսկ ոչ, վասն առաքինութեան
եւ լաւութեան՝ օրինակաւ իմն սիրեմք: Այն ոք իցէն՝
որ զՎայիոս Փարրիկիոս եւ զՄ. Սուրբիոս, զոր եւ տեսեալ
իսկ չիցէ, բազում սիրով եւ խնամով չսիրիցէ: Այլ ո՞ր
զՏարկուինոս Ամբարտաւանն է եւ զՍպուրիոս Վասսիոս
եւ զՍպուրիոս Մեղիոս չխոտիցէ: Ինդ երկուսին զօրա-
վարսն ընդ Պիււեայ եւ ընդ Անիբաղայ, մեծամեծ
մարտք պատերազմաց վասն պետութեան մղեցան յառա-
ղացւոց աշխարհին: Այլ Պիււեայ վասն նորա ազնուական
բարութեն՝ ոչ օտարոտի ինչ միտս ունիմք. իսկ զԱնիբաղ
վասն իւրոյ անագորոյն եւ գազանամիտ բարոյիցն՝ քա-
ղաքս այս ցանգ դարովեալ խոտեսցէ:

Այս եթէ այսպիսի ինչ լաւութեանն զօրութիւն իցէ, զի ի նոսին եւս՝ զորս եւ տեսանեմք իսկ ոչ, եւ որ եւս իմն մեծագոյն է, ի մեր իսկ թշնամիսն սիրիցեմք, զինչ զարմանք իցեն, թէ ոգիք մարդկան յուզեցին, յորժամ զնոցա՝ ընդ որս կենաց կցորդ կարիցեն լինել, զքաջութիւն եւ զլաւութիւն տեսանիցեն: Թէպէտ եւ հաստատագոյն լինի սէր յընդունելոյ անտի երախտիս բարեաց, եւ ի տեսանելոյ զինամն կամացն, եւ ի կցորդութենէ կենաց. զի այս ամենայն յորժամ յառաջին շարժումն անդր մտացն եւ սիրոյն յաւելլի, սքանչելի իմն յորդեալ բարբոքեցի զթոյն յաճախութիւն: Իսկ եթէ ի տկարութենէ իմն ելեալ բարեկամութիւնն կարծիցի ումանց, որպէս զի իցէ ինչ ի միջի, որով իւրաքանչիւր դրայնմ՝ որում ցանկայն, հասանիցէ, արդարեւ ի բազում անարգութիւն եւ ի չաղնուականութիւն իջանիցի բարեկամութեան սկիզբն: Ոչ ի կամին իմն թէ ի չքաւորութենէն եւ ի կարօտութենէ ծնանիցի: Եթէ այն այնպէս էր, ապա որչափ տկարագոյն եւ չքաւոր դր զանձն համարէր, զոյնչափ պատշաճագոյն ի բարեկամութիւն գտանէր. որ չէ քանզի եւ չէ իսկ այնպէս: Ոչ որչափ վատահ յիւր անձն դր իցէ եւ ազգի ազգի առաքինութեամբք եւ իմաստութեամբք այնպէս պարսպեալ եւ ամրացեալ, որպէս զի չիցէ ինչ ումեք կարօտ, եւ զամենայն ինչ՝ որոց պէտտ ունիցի, յիւրում անձին բովանդակեալ գտանիցէ, եթէ խնդրիցէ այնպիսին բարեկամութիւն խառնել եւ ի նմին ցանգորդել, եւս իմն աւելի բարձրագոյն եւ յառաջադէմ ի նմին լինիցի: Արօտ ինչ ինեւ էր Ափրիկանոս. եւ ոչ երբեք. այլ եւ ոչ ես նովաւ կարօտ ինչ էի: Սակայն զարմացեալ ընդ նորա գեղեցիկ առաքինութիւնսն, եւ նա եւս, թերեւս կարծեօք ինչ՝ զոր զբարուցն իմոց ունէր, փրեաց զիս: Հաճախեաց զինամն ստէպ կցորդութիւն կենաց: Եւ թէպէտ բազում եւ մեծամեծ օգտութիւնք զայնր զհետ եկին, այլ ոչ եթէ նոցին ակնկալութիւն պատճառք սիրոյն եղեն: Անզի որպէս երախտիս այլոց առնեմք եւ առատամիտ լինիմք՝ ոչ զի շնորհս ինչ պահանջեցեմք, (զի ոչ եթէ ի վարձու տամք զբարերարութիւնն)

այլ զի անդամին ի բնածին բարուց մերոց մէտք եւ յօ-
ժարք յառատամտութիւն եմք. դոյնպէս եւ զբարեկա-
մութիւնն ոչ վասն վարձուց ինչ ակնկալութեան, այլ
զի համօրէն հեշտականութիւն նորին եւ շահ ի նմին իսկ
ի սէրն բովանդակեալ կայ, պատշաճ համարիմք խնդրել:
Սակայն նոքա՝ որ իբրեւ զանասունս անխօսունս զամենայն
ինչ ի ցանկութիւն անդր ձգեալ տանիցին, կարի իսկ
օտարոտի կարծիս զամենէ կարծեն: Եւ չեն ինչ զարմանք:
Օ՛ր որ զեւրեանց միտս եւ զխորհուրդո զամենայն յայս-
պիսի խոտան եւ յանարգագոյն իրս հաստատեալ եղեալ
իցեն, չէ մարթ նոցա առնուլ ինչ յանձն ի բարձրակա-
նացն եւ ի փառաւորացն եւ յաստուածեղինաց: Ամին
իրի իսկ թողոք ի բաց զայնպիսին ի բանից աստի մե-
րոց, եւ հաւանեալ առցուք յանձն՝ եթէ զազդումն սի-
լոյ եւ զգութ խնամոց բնութիւնն ինքնին գլխովին ծնա-
նիցի, յորժամ նշանակ լաւութեան ընծայանայցէ. եւ
որ այնմ ցանկանայցեն, մօտ երթեալ զնովմք գիրկս
արկանիցին, զի ի պիտանութեան այնր՝ զօր սկսանն սի-
րել, եւ ի բարսն վայելեացեն, եւ նմանագոյնք ի սէրն եւ
հաւատարք լինիցին, եւ առաւել յօժարագոյնք ի բարե-
րարել քան ի պահանջել: Եւ սոյն ազնուական մրցու-
թիւն լինիցի ի նոցա միջի: Այսպէս բազում շահք մե-
ծաշահք ի բարեկամութենէն կթիցին, եւ սկիզբն նորա
ի բնութենէ եւ ոչ եթէ ի տկարութենէ լինիցի, եւ
առաւել հաստատագոյն եւ ճշմարտագոյն: Օ՛ր եթէ
շահիցն ակնկալութիւն զբարեկամութիւնն խառնէր, ի
նոցա փոփոխել լուծեալ քայքայէր: Այլ քանզի չէ
մարթ բնութեանն փոփոխել, յայն սակս եւ բարեկա-
մութիւնք ճշմարիտք՝ տեւականք եւ մշտնջենականք են:
Աւասիկ յայտ արարեալ ցուցաւ ձեզ սկիզբն եւ ծա-
գումն բարեկամութեանն, եթէ ոչ ընդդէմ սոցին ինչ
բանս ասել կամիցիք:

ՓԱՆՆԻՈՍ. Այլ դու յառաջ զբանսդ մատո. քան-
զի ես փոխանակ ընդ սորա որ կրօնքս է, ըստ իրաւանց
խոյ երիցութեան տունեմ պատասխանի:

ՍԿԵՒՈՂԱ. Եւ կարի իսկ քաջ. վասն որոյ լուիցուք:



ՎԵՂԻ. Ընդ լուսուրբ, արք պատուականք, զբարեկամութեան ճառան՝ զոր ես եւ Սկիպիոն բազում անգամ ի միջի մերում ճառէաք: Թէպէտ եւ ասէր նա թէ կարի դժուարին իցէ տեւել բաւել ի բարեկամութեան մինչեւ ցկատարած կենաց: Ոչ կամ վասն զի ոչ նոյն ինչ երկոցուն եւս օգուտ է, բազում անգամ քակի բարեկամութիւնն, եւ կամ զի զընկերհաշտութենէ ոչ զնոյն կարծիս ունին՝ բազում անգամ լուծեալ եղծանի: Վասն որոյ եւ ասէր իսկ եթէ բարք մարդկան հասնապաղ փոփոխին, մերթ ի ձախողանաց, եւ մերթ ի հասակացն զարգանալոյ: Եւ զառակ օրինակի սոցին ի մանկութեան տիոցն առնոյր. զի եւ կարի իսկ կարեւոր սէր մանկանցն բազում անգամ նուազէ, յորժամ ի չափ հասեալ՝ զառնացի պատմութեանն զգենուցուն: Իսկ եթէ պահիցեն եւս մինչեւ ի տիս երիտասարդութեանն, այլ յայնժամ կամ ամուսնութեանն կռուովք, եւ կամ վասն օգտութեան ինչ իրիք, որում երկոքին միանգամայն չկարիցեն հասանել, լուծանի եւ քակի: Թէպէտ եւ իցեն ոմանք՝ որ կարի յառաջադէմ ի բարեկամութեան իցեն, սակայն բազում անգամ եւ այն եւս եղծեալ ապականիցի՝ եթէ ի պատուոյ կռիւս անկեալ կործանեցին: Եւ քան զամենայն ցաւ ժանտագործ եւ ապականիչ ի բարեկամութիւնս՝ ընչիցն ցանկութիւն է, զոր բազումք ունին. իսկ յաւագաց միջի վասն պատուոյ եւ սնապարծիկն փառաց մրցութիւնք եւ զկարի սերտ բարեկաման՝ անհնարին թշնամիս եւ ատելիս իրերաց գործեցին: Վարձեալ, եւս իմն մեծամեծ կռիւք ծնանիցին, եւ բազում անգամ յիրաւի իսկ, եթէ այնպիսի ինչ ի բարեկամէն դք խնդրիցէ, որ չիցէ ինչ ի դէպ եւ վայելուչ, զի կամ սպասաւորք նորա անառակ ցանկութեանն, եւ կամ թիկունք եւ օգնական անիրաւութեան լինիցին: Որ եթէ չառնուցու պք յանձն, թէպէտ եւ գործ ազնուական գործէ, բայց սակայն նոցա՝ որոց չառ յանձն հաւանել, այնպէս իմն թուի եթէ զօրինօք բարեկամութեանն անցանիցէ. իսկ որ իշխիցենն զամենայն ինչ ի բարեկամացն խնդրել, յայտ իմն այնու առնեն,

եթէ եւ ինքեանք եւս վասն բարեկամին զամենայն առնելոց են: 'Նոցա տրտունջքն՝ ոչ զբազմաժամանակեան ընտանութիւնսն միայն ջնջեալ եղծանեն, այլ եւ ատելութիւնս մշտնջենաւորականս ծնանիցին: Այսչափ անհնարին աղէտք եւ տազնապք պատեալ պաշարեալ են զբարեկամութեամբ, որպէս զի թէ յայնմ ամենայնէ ոք զերծանիցի, ոչ միայն գործ իմաստութեան գործիցէ, այլ եւ երջանիկ եւս լինիցի, որպէս Ակիպիոն ասէր:



Նմին իրի նախ զայն իմն տեսցուք, թէ հաճոյ իցէ, եթէ որչափ ինչ յառաջադէմ արժան իցէ լինել սիրոյ ի բարեկամութեան: Եթէ ունէր բարեկամս Աորիողանոս, պարտ ինչ էր նոցա ընդ նմա ի մարտ պատերազմի ի վերայ հայրենի աշխարհին յառնել. միթէ կայր ինչ հարկ ի վերայ բարեկամացն Վիսկեղինեայ՝ որ թագաւորութեան թեկն ածէր, եւ կամ Սպ. Մեղեայ՝ թիկունք եւ զօրաւիգն նոցին լինել:

Տի. Վրակքոս յորժամ անհնարին տազնապս ի վերայ ընկերհաշտութեան հասուցանէր, տեսանէաք եթէ ի Վ. Տուբերոնեայ եւ ի զուգական բարեկամացն լքեալ թողեալ էր: Այլ Վ. Բղոսիոս կուսմանացի ասպնջական ձերոց ընտանեացն, Սկեւողա, յորժամ եկն առ իս՝ զի վասն ներելոյ թողութեան աղաչեցէ, մինչդեռ ի խորհրդեանն մօտ առ Վինատ եւ առ Հռուպիդ ղգեաշխսն էի, զայս ինչ պատճառս ածէր ի մէջ, զի ներիցեմ նմա. Այնչափ ինչ, ասէ, Տի. Վրակքոս մեծարոյ էր ինձ, մինչեւ համարէի իմն եթէ զոր նայն կամիցի, պարտ իցէ ինձ առնել: Յայնժամ հարցի ցնա. Եթէ կամէր զի հուր ի Վապիտողինն արկանիցես, իշխէիր եւ զայն առնել: Զկարէր նա, ասէ, այնպիսի ինչ կամել: — Այլ թէ կամէր: — Անայի, ասէ: Տեսանես քանի անարժան են բանքս. եւ արդարեւ արար իսկ այնպէս, մանաւանդ թէ եւս իմն աւելի անհնարին չարիս քան զոր ասացն, գործեաց: Քանզի Տի. Վրակքեայ ոչ հնազանդ միայն եղեւ, այլ եւ զլուխ եւս խակագործ ստահակութեանն եկաց. եւ ոչ ընկեր լոկ եւ գործակից նորա մոլեգին կա-

տաղութեանն, այլ եւ առաջնորդ եւս զանձն ընծայեցուցանէր: Յայն սակս փասն սորին անհանձարութեան զարհուրեալ ի նորոգ հարցափորձէն, մնապաւուր փախըստեայ յԱսիացւոց աշխարհն գնայր, եւ անձամբ զանձն ի թշնամեաց ձեռս մատնէր, եւ զանհնարին վրէժ ընկերհաշտութեանն լուծանէր: Արդ չեք ինչ չմեղադրութիւն յանցանացն՝ զոր փասն բարեկամին ոք յանցանիցէ: Եւ քանզի կարծիք առաքինութեանն՝ բարեկամութեան առիթ լինին, յորժամ յառաքինութենէն կասիցէ ոք, կարի դժուարին լինիցի այնուհետեւ բարեկամութեանն կալ յակաստանի:

Եթէ արդար ինչ համարիցիմք շնորհել բարեկամացն զամենայն ինչ զոր խնդրիցեն, եւ կամ ընդունել զոր ի նոցանէն խնդրիցեմք, կատարեալ յիմաստութեանն եմք, եթէ ոչ ախտք ինչ ի ներքս խառնիցին. այլ զայնպիսի ինչ բարեկամաց ասեմ, որ առաջի աչաց իցեն, զորս եւ տեսանիցեմքն իսկ, կամ զնոցին յիշատակս ցանգ ի մտի ունիցիմք, եւ կամ զի ամենեցուն յայտնի եւ ծանօթ իցեն: Անդստին ի սոցանէ պարտ եւ պատշաճ է մեզ առնուլ օրինակս նմանութեան, եւ առաւել ի նոցանէ որ կարի միջամուկք յիմաստութիւնն իցեն:

Յայտ իսկ է մեզ եթէ Պապոս Եմիղիոս կարի ընտանութեամբ ընդ Պ. Ղուկինեայ էր, քանզի այնպէս իմն ի նախնեացն ընկալաք, երկիցս բռեաշխք եւ համարակարք կացին ի միասին. յիշատակի եւ այս եթէ յայնժամ Մ. Կուրիոս եւ Տի. Կորունկան ընդ սոսին եւ ընդ միմեանս եւս ընտանեգոյնք էին: Եւ արդ ո՞ր կարիցէ կասկած ի մտի ունել, թէ խնդրեաց ոք ի նոցանէ ի բարեկամէն իւրմէ այնպիսի ինչ՝ որ հակառակ հաւատարմութեանն եւ երդման եւ ընկերհաշտութեան իցէ: Այլ զի՞նչ հարկ ի վերայ կայցէ այսպիսի ինչ աւել փասն արանցս այսոցիկ, զի եթէ խնդրէր եւս, չէր ընդունելոց, քանզի լաւք եւ առաքինաւորք էին արքն. իսկ արդ որ զայսպիսի ինչ յորժամ աղաչեցին՝ կատարիցէ, եւ կամ ինքն յայլմէ խնդրիցէ, ոչ ապաքէն դործ անարժան գործէ:

Ի սոյն մոլորութիւն զառաժան եւ Պ. Կարբոն եւ Կատոն. քանզի թէպէտ եւ ոչ ինքնին ի բռնութիւնս

Թեւակոխէին, բայց սակայն Տի. Գրակքեայ բռնութեանցն հաճեալք՝ զնորին զհետ երթային. մանաւանդ Գայիոս եղբայր Վատոնի՝ որ յառաջագոյն դոյզն ոք էր, այլ այժմ եւ նա սաստիկ հակառակութեամբ ի վերայ ընկերհաշտութեանն յարուցեալ է:



Այսուհետեւ այս ինչ օրէնք ի բարեկամութեանն հաստատեսցին, մի անպատեհս ինչ խնդրել, եւ ոչ թէ ի մէջ խնդրիցն, կատարել: Այս ոչ պատշաճ ինչ չմեղադրութիւնն է, որ եւ ընդունելի իսկ չէ, յորժամ խոստովան ոք լինիցի թէ վասն բարեկամին յանցուցեալ իցէ, եւ կամ ընդդէմ ընկերհաշտութեանն ստահակեալ՝ եւ այնպէս կամիցի արդարանալ: Վանդի յայնպիսի ինչ վայրի զետեղեալ եմք, փանսիէ եւ Սկեւողա, զի հարկ ի վերայ կայ մեզ զհանդերձեալ դէպսն ընկերհաշտութեանն կանխաւ տեսանել: Վանդի խոտորեցան սակաւիկ մի բարձր մեր եւ գնացք ի յօրինաւոր կարգաց նախնեացն: Տի. Գրակքոս գուն եղեալ ջանայր թագ կապել եւ զարքունական իշխանութիւնն առնուլ, որ եւ թագաւորեաց իսկ սակաւ ինչ ամիսս: Իցէ տեսեալ եւ կամ լուեալ սոյնպիսի ինչ ազգն Հռոմոց: Սմին բարեկամքն իւր եւ մերձաւորք յետ իւրոյ մեռանցոյ նմանողք եղեն. զորոց զանհնարին չարիսն՝ զոր ընդ Սկիպիոն անցուցին, չկարեմ առանց արտասուաց պատմել: Վանդի Վարրոնի՝ որչափ ձեռնհաս էաք, վասն նորոգ պատժոցն Տի. Գրակքեայ ներեցաք: Այլ թէ զինչ ակն զռամկապետութենէ Վ. Գրակքեայ ունիցիմ, չէ համարձակ ածել զմտաւ. քանզի հանապազ տարածանի ժանտն եւ ապականութիւնն՝ որ սկսուան, ապա ուրեմն ի կատարումն երթեալ հասանիցէ: Տեսանէք իսկ ի տախտակին եթէ որչափ ինչ փնայք զարծեալ իցեն յառաջագոյն՝ նախ Գաբինեան օրինօքն, եւ յետ երկուց ամաց Վասսիականաւն: Տեսանեմ եթէ զատեալ անջատեալ է ժողովուրդն ի ծերակուտէն, եւ կարծեօք խառնաղանձ բազմութեանն մեծամեծ իրք վճարին. քանզի բազումք այնմ

իմն ուշ ունին թէ զեարդ մարթ իցէ զայն առնել, եւ ոչ թէ որով օրինակաւ հակառակ կալ այնմ հնար իցէ:

Եւ ընդէր իսկ զայս ամենայն բանս յաճախեցեմ. այլ զի յայտ լինիցի եթէ ոչ որ առանց բարեկամաց յայսպիսի իրս մտաբերիցէ: Ոյր վասն պարտ եւ պատշաճ է պատուէր ի վերայ դնել լաւացն, զի թէ յայսպիսի բարեկամութիւն անգիտութեամբ ինչ անկեալ իցեն, մի ինչ համարիցին, եթէ՝ թէպէտ եւ անհնարին փնասս ընկերհաշտութեան բարեկամն հասուցանիցէ, չիցէ նոցա օրէն ի բաց ի նմանէ հեռանալ: Իսկ յոռեացն եւ անպիտանեաց պարտ է պատիժս սահմանել, եւ ոչ նուազագոյն ինչ նոցա՝ որ կցորդք եւ արբանեակք այլոց ի չարիսն իցեն, քան նոցին՝ որոց գտակն եւ առաջնորդ անօրէնութեան լեալ իցէ: Ըր որ պայծառագոյն քան զԹեմիստոկղէս ի Յունաց աշխարհին եղեւ, ո՞ր հարստագոյն. որ մինչ զօրավարն էր ի պարսկական պատերազմին՝ զՅունաց աշխարհ ի ծառայութենէն թափէր. այլ յորժամ վասն նախանձուն եւ ատելութեան յաշխարհէն վտարէր, չունէր ժողով ապիրատութեան իւրոյ աշխարհին, որում պարտ էր տանել մտադեւր մտօք:

Օայն ինչ գոր Ի. ամօք յառաջ Կորիոդանն¹⁴ առ մեզ գործեալ էր՝ եւ նա գործեաց¹⁵: Լալց սակայն ոչ որ նոցա թիկունք եւ զօրաւիգն ընդդէմ հայրենի աշխարհին գտանէր. յայն սակս եւ երկողին եւս անձանց արարին: Եւ մին իրի եթէ բարեկամութեանն բարրանօք կցորդ որ անօրինին լինիցի, ոչ միայն չէ պատշաճ չմեղադրութիւն զայն համարել, այլ եւ բազում պատիժս ի վերայ ածել, զի մի ինչ կարծիցի թէ համարձակ իցէ, յորժամ ի մարտ պատերազմի ի վերայ հայրենի աշխարհին բարեկամն յառնիցէ, ընկեր եւ գործակից նմին գտանել: Եւ քանզի սկիզբն այնմ ապիրատութեան եղեւ, կարի կասկածեմ զի մի առ յապա ժամանակս սոյն աղէտք եւ մերում հայրենեաց հասանիցեն: Իսկ ինձ քան զայժմու պայմանաց ընկերհաշտութեանն, աւելագոյն զհանդերձելոցն՝ յորում յետ իմոյ մեռանելոյ գտանիցի, հոգ ի մտի կայ:



Այսուհետեւ սոյն այս առաջին օրէնք բարեկամութեանն հաստատեցի, զի իրս վայելուչս ի բարեկամէն խնդրիցեմք, եւ վասն նոցա գործս լաւութեան գործիցեմք: Սի ինչ կայցեմք մնայցեմք դանդաղեալք, զի խնդրիցէ ոք ինչ ի մէջ: Հանապազ փոյթն եւ յօժարութիւն մօտ կայցէ եւ յապաղութիւնն քաջ ի բաց հեռագոյն: Բազում համարձակութեամբ եւ յօժարութեամբ տայցեմք խորհուրդս: Այսուհետեւ բարեկամացն՝ որ թելադիրն եւ յորդորիչ ի լաւ անդր լինիցին, բազում զօրութիւն ունիցի, զոր ի կիր արկանիցէ ի խրատել՝ ոչ միայն յայտնապէս եւ համարձակութեամբ, այլ եւ յորժամ հարկ ի վերայ կայցէ, սաստիկ բանիւք սակայն պարտ եւ պատշաճ է, զի եւ նա զոր խրատիցէն, մտադիւրութեամբ անսայցէ:

Ինչ այսպէս թուի եթէ ոմանց՝ զորոց լեւմ թէ ի մաստունք ի Յունաց աշխարհին կարծիցին, ցանգ նորանշան՝ եւ զարմանալի իրս ասելոյ փոյթ ի մտի կայ, եւ զամենայն իրաց բազում նուրբ բանիւք ճառ արկանելոյ: Այսոցն այնպէս իմն թուի եթէ արժան իցէ խորշել ի բազմացն բարեկամութենէ, զի մի հարկ ինչ լինիցի միումն վասն բազմաց ի հոգս եւ ի վարանս մտանել. եւ զարձեալ թէ իւրաքանչիւր ումեք իւր իրք շատ եւ բաւական իցեն. իսկ օտարոտի ինչ իրաց միջամուխ լինել կարի ծանրատաղտուկ իցէ: Առաւել հեշտական է, ասեն, ընդարձակագոյն զերասանակս բարեկամութեանն թողուլ, զոր թէ կամիցիս, ձգեալ ամփոփիցես, եւ յորժամ ախորժիցես, ի բաց արձակիցես: Վրանգի անկասկածն լինել, ասեն, գլուխ երանելի կենաց է, յորում չկարիցէ ոգին վայելել, եթէ ինքն միայն առանձին վասն բազմաց ի տազնապ երկանց գտանիցի:

Իսկ կէդք եւս իմն անպատեհագոյնս եւ անհերքոյ բարրաւին, զորս սակաւիկ մի յառաջ կարճառօտիւք համառօտս յանդիման կացուցաք, թէ վասն պաշտպանութեան եւ օգնականութեան, եւ ոչ վասն սիրոյ եւ խնամոց՝ բարեկամութեան արժան իցէ ցանկանալ: Ասն որոյ որչափ ուրուք ոյժ, ասեն, սակաւ իցէ եւ դոյզն զօ-

րութիւնն, դոյնափ աւելագոյն բարեկամութեան ցանկանայցէ. դմին իրի իսկ կանայք առաւել քան զարսն զբարեկամութեան պաշտպանութիւն խնդրեն, եւ անխաբն քան զընչաւետան, եւ եղովքն՝ քան զայնոսիկ՝ որ երանիկքն եւ երջանիկք հաշուիցին:

Ամեծապայծառ իմաստութեան. քանզի թուի իմն թէ զոսկէճաճանչ արեգակն յաշխարհէ բառնայցեն, որ փոյթ յանձին կալեալ ճգնիցին ջնջել զբարեկամութիւնն ի կենաց մարդկան, քան զոր չէ մեր ազնուագոյն ինչ եւ հեշտական յանմահ դիցն ընկալեալ: Վրանզի զինչ այն անկասկած հանգիստն իցէ, որ թէպէտ եւ ցանկալի եւ տենչական է, սակայն է սւրեք զի հարկ է մերժել զայն եւ հալածել. չէ ի դէպ ի վայելուչ ինչ իրաց եւ ի գործոց լաւութեան ի բաց խորշել, զի մի ի հոգս եւ ի տատամսութիւն անկանիցիմք: Օ՛ի եթէ ի հոգոց փախչիցիմք, հարկ է եւ յառաքինութենէն ի բաց սրանալ. քանզի առաքինութեանն պարտ եւ պատշաճ է բազում հոգովք եւ անհնարին աշխատութեամբք զիւր հակառակն մերժել. որպիսի ինչ լաւութեանն՝ զլուռութիւն, եւ զգաստութեանն՝ զցանկութիւն եւ ժրութեան՝ զվհատութիւն: Այր վասն տեսանեմք եթէ գործք անիրաւաց՝ արդարոց բազում ցաւոց պատճառք լինիցին, եւ տկարացն՝ քաջացն եւ առաքինեաց. նոյնպէս եւ որ պարկեշտութեան կեանս կեցեն, ընդ այլոց խառնակեցիկ կեանս կարի տրտմիցին: Ապա առաքինաւոր եւ հաստատուն ոգւոյ է խնդալ եւ ուրախ լինել ընդ լաւութիւն, եւ ընդ նոցին հակառակն տրտմել եւ տխրել:

Ամն իրի իսկ եթէ ցաւք ինչ ի միտս իմաստնոյ անկանիցին, որ անկանիցին իսկ՝ եթէ չհամարիցիմք թէ բնութիւն մարդկեղէն խլեալ իցէ ի սրտէ նորա, ապա զինչ պատճառք իցեն զբարեկամութիւնն ի կենաց բնաջինջ առնելոյ, զի մի վիշտս ինչ վասն այնորիկ հասանիցէ վշտանալ: Օ՛ի եթէ զյոյզս շարժմանց ոգւոցն ի բաց բառնայցեմք, ոչինչ ընդհատ այնուհետեւ, ոչ ի ճարակաւորաց միայն, այլ եւ ի քարէն եւ ի փայտէ եւ յայլոց ինչ սոցին նմանեաց մարդն գտանիցի: Վրանչի ոչ եթէ, որպէս ոմանք դանդաշեն, երկաթի ինչ

իցէ առաքինութիւն, այլ որպէս եւ յայլ եւս իրս, նոյնպէս եւ ի բարեկամութեան՝ քաղցր եւ համբոյր է, որպէս զի ընդ բարիս բարեկամին ուրախ լինիցի, եւ ընդ նորա վիշտս տրտմիցի: Ասան այնորիկ նեղութիւնն այն եւ անձկութիւն չէ ձեռնհաս զբարեկամութիւն ի կե- նաց բառնալ, որպէս եւ ոչ առաքինութիւնն, վասն զի հոգս եւ տառապանս ունի, խոտան ինչ իցէ:



Այլ յորժամ բարեկամութիւն որ ընդ այլում խառ- նիցէ, որպէս կանխագոյն ասացաք, այս ինքն է եթէ նշանակ ինչ առաքինութեան յուրուք վերայ երեւիցի եւ մեւս եւս որ առաքինի երթեալ ընդ նմին միաբանի- ցի, հարկ է թէ սէր անտի ծնանիցի:

Վրանգի զինչ ինչ անպատեհագոյն քան զայն կայցէ, զգուր եւ զնոտի իրս, որպիսի ինչ զպատիւս եւ զփառս, զշինուածսն եւ զհանդերձս եւ զայլն եւս զմարմնաւոր սպասսն խնդրել եւ նորօք ուրախ լինել, եւ չհաճել ինչ ընդ ոգի առաքինի, որ կարիցէ խնամս ընդունել եւ զայնր փոխարէնս հատուցանել: Վրանգի զինչ քաղ- ցրագոյն եւ հեշտականագոյն քան զհատուցումն խնամոց եւ քան զփոխարէնս սիրոյ եւ երախտեաց:

Իսկ եթէ զայն եւս ի սոյն յարեալ յաւելուցումք, զոր յիրաւի իսկ մարթ է յաւելուլ, թէ չիք ինչ՝ որ այն- պէս յօժարեցուցանել եւ յինքն յանկուցանել կարիցէ, որպէս նմանութիւն բարուցն ի բարեկամութեան, զիւ- րագոյն լինիցի այնուհետեւ հաւանել, թէ արդարեւ լաւք զլաւն սիրիցեն եւ գիրկ ընդ խառն ընդ միմեանս լինիցին, որպէս թէ մերձաւորք եւ ազգականք եւ բնու- թեամբն իսկ զօգեալք ընդ իրեարս իցեն: Այլ բնութիւն քան զամենայն ինչ աւելագոյն իւրոց նմանեաց ցան- կանայ եւ զնոսին ձգեալ առ ինքն ժողովէ: Ասան որոյ այս իսկ յայտ է, Փաննիէ եւ Ակեւողա, որպէս ինձ թուի, եթէ ի լաւաց միջի ի հարկէ իմն ծնանիցին սէր եւ ընդելական խնամք, որ աղբււր բարեկամութեանն է ան- դրստին ի բնութենէ կարգեալ. այլ այնմ լաւութեան եւ խառնիճաղանճ բազմութիւնն եւս հաղորդ է: Վրանգի


չէ ինչ տմարդի առաքինութիւն, եւ ոչ աննուէր եւ ամբարտաւան իցէ. որ ամենայն իսկ համօրէն ազգաց պաշտպանէ, եւ զնոսին ազնուագոյն դարմանէ. որ թէ խորշէր ինչ եւ գարշէր ի սիրոյ խառնադանձ ռամկին, ապա եւ առնէր իսկ ոչ այնպիսի ինչ: Այլ դարձեալ թուի իմն եթէ որ վասն շահից ինչ ակնկալութեան բարեկամութիւնս կերպարանիցի, զքանկալի զոգ բարեկամութեան ի բաց բառնայցէ: Քանզի ոչ այնպէս օգտութիւնն որ ի բարեկամէն ծնանիցի, որպէս նորին սէր ուրախ առնիցէ. եւ յայնժամ քաղցր եւ հեշտական գործ բարեկամին լինիցի, յորժամ սիրովն եւ յօժարութեամբ գործիցի: Իսկ վասն կարօտութեան զբարեկամութիւնն ունել, այնչափ ինչ օտար եւ անընտանի է, զի նոքին որ բազում ինչս եւ արարս ունիցին, եւ հանճարով եւս եւ քաջութեամբ զարդարեալք եւ ամրացեալք՝ չկարօտանայցեն ումեք, առատամիտք եւ երախտագործք ի բարեկամութեան լինին: Այլ չգիտեմ թէ հարկ ինչ իցէ բարեկամին չկարօտանալ իւրիք: Քանզի զեւրդ իսկ մարթ էր մերոյ սիրոյն երեւել, եթէ ոչ մերովք խորհրդովք եւ վաստակովք ի խազազութեան ժամանակի եւ ի պատերազմի կարօտ ինչ լինէր Սկիպիոն: Այսուհետեւ յայտ իսկ է թէ ոչ բարեկամութիւնն վասն օգտութեան իցէ, այլ օգուտն եկն զհետ բարեկամութեան:

❦ ԺԵ ❦

Ապա չէ իսկ ի դէպ ունկնդիր լինել նոցա՝ որ անձնատուր գրգանաց եւ փափկութեանց իցեն, յորժամ զբարեկամութենէ՝ որում չիցենն տեղեակ, այնու զի ոչ վարեալ նովաւ իցեն, եւ ոչ մտօք զհանգամանսն ծանուցեալ, ճառիցեն: Այլ ո՞ր այն դէպ իցէ որ ոչ սիրել զդ կամիցի, եւ ոչ սիրելի ումեք լինել, յորժամ ի լիութեան եւ ի յղկութեան համօրէն իրաց կեանս վարիցէ: Առնաւորաց են այս կեանք, որ ամենեւին լոկ ի հաւատարմութենէ եւ ի սիրոյ են, եւ չէ իսկ մարթ հաստատութեամբ վստահ ի նոցա խնամն լինել. ամենայն ինչ ցանգ կասկածանօք է, բնաւ ի վարանի. իսկ բարեկամութեան եւ ոչ սակաւ ինչ նշմարանք ի նմին երեւին: Քան-

զի ո՞ր սիրիցէ զայն՝ յորմէ երկնիցին, եւ կամ զնա՝ որ ի նմանէն երկիցէ: Պահել պահեն զբարեկամութիւնն առ ժամանակ մի կերպարանօք միայն, այլ յորժամ անկանիցին, որպէս՝ բազում անգամ դէպ լինիցի, յայնժամ ապա դիւրին իցէ ի միտ առնուլ թէ՛ որչափ աղքատք ի բարեկամաց էին: Պատմեն իմն եթէ Տարկուինոս ի ժամանակի վտարանդութեանն խօսեցեալ իցէ այսպէս զսոյն ձեւ. Այժմ իսկ ծանեայ թէ ո՞ր ի բարեկամաց իմոց ճշմարտութեամբ զբարեկամութիւնն ունէր, եւ ո՞ր կերպարանօք եւեթ, քանզի չեմ ձեռնհաս փոխարէնս ինչ ումեք առնել: Թէպէտ եւ զարմանք թուին ինձ, թէ զեւրդ կարաց նա ունել բարեկամս նովին ամբարտաւանութեամբ եւ ժպրհութեամբ: Եւ որպէս բոյս բարուց նորա զորմէ ասացաքն, չկարէր ճշմարիտ բարեկամս յարդարել, սոյնպէս եւ իշխանութիւն հարստացն, արգել եւ խափանիչ հաւատարիմ բարեկամութեանն լինիցին: Օ՛հ բախտն ոչ միայն կոյր եւ զաչացու է, այլ եւ զայնոսիկ՝ որ ի նմին շողեալ պատեալ իցեն՝ կոյրս յարդարէ: Ասնն որոյ իւրեանց յամառութեամբն եւ խեռութեամբ արտաքս իմն ըստ մարդկեզէն բնութիւնն ելանեն. եւ այնուհետեւ քան զամենայն ինչ դժնդակագոյն եւ ան հանդուրժական անհանձար բախտաւորն գտանի: Եւ այնմ եւս արժան է ուշ ունել, զի որ յառաջագոյն ընդելական վարս ունէին, իրրեւ յիշխանութիւն եւ յաւազութիւն հասանիցեն, զհին բարեկամն խոտան եւ ընկեցիկ համարին, եւ նորոցն ի խնդիր. լինիցին: Եւ զինչ քան զայն անհանձարոյ կայցէ, զի զոր միանգամ ընչիւք եւ արարովք եւ զօրութեամբ կարիցեն արկանել ի բուռն, որպիսի ինչ երիւարս անհամարս, բազում դասակս ծառայից եւ սպասաւորաց, եւ այլ եւս գունակ գունակ պատմութեանս բազմապայծառս եւ սպասս պատուականս, զամենայն կազմեն եւ պատրաստեն, եւ չառնեն ինչ փոյթ բարեկամս ունելոյ, որ մեծապայծառ եւ գեղեցիկ կարասի է կենաց մարդկան: Վրանզի զայլ ինչ իրս յորժամ պատրաստիցեն, չգիտեն ում պատրաստեն, եւ ոչ ոյր վասն աշխատն լինիցին. զի որ գեթ ի վերոյ ուժգնութեամբն իցէ, նորա իսկ է այն ամենայն: Իսկ բարեկամութեանն ստացուած կայ քնայ հաստատուն եւ

ստորդ իւրաքանչիւր ումեք՝ որ զայն ստանայցէ. որպէս զի եթէ պարզեւք բախտին մնայցեն, սակայն որ լքեալ եւ զրկեալ ի բարեկամաց իցէ, չկարէ քաղցր եւ հեշտական կեանս ունել: Եւ վասն սորին մինչեւ ցայս վայր:



Բայց այժմ պարտ եւ պատշաճ է եւ զսահմանս բարեկամութեանն կարգել, այս իսկ է զպայման սիրելոյ: Երբ ինչ կարծիս վասն սորին իրաց լեալ տեսանեմ. բայց սակայն եւ ոչ միում ի նոցանէ առնում յանձն հաւանել: Եւ աջինն այս ինչ է թէ այնպիսի ինչ սէր ընդ բարեկամն ունիցիմք, որպէս ընդ մեր իսկ անձնն ունիմք: Եւ երկրորդն՝ թէ մեր գութն կշիռ հասարակ զթոյ բարեկամացն՝ զոր առ մեզն ցուցանեն, գտանիցի: Իսկ երրորդն՝ թէ որչափ ինչ մեծարգի զանձն ոք հաշուիցի, նոյնչափ եւ ի բարեկամէն համարիցի: Չառնում յանձն եւ ոչ զմին ի կարծեացն: Օյ առաջինն՝ որ ասէն, եթէ իւրաքանչիւր ոք նոյն եւ միօրինակ խնամովք եւ անձին եւ բարեկամին դարման տանիցի, քաջ ի բաց հեռի ի ճշմարտութենէն է: Քանզի բեւր ինչ իրք են՝ զորս թէպէտ եւ վասն մեր չառնիցեմք, վասն բարեկամաց յօժարագոյնս կատարեմք: Արպիսի ինչ, աղաչել զանարժանն եւ կամ յաղերս անկանել, դառն եւ սաստիկ բանիւք յարձակել ի վերայ ուրուք, եւ բազում սաստկութեամբ հալածական առնել, ի մեր իրս չեն վայելուչ, բայց սակայն յիրս բարեկամաց կարի պատշաճական եւ վայելուչ իցեն: Եւ է ուրեք զի արք լաւք բազում ինչ յիւրեանց արարոցն ծախեն, զի ի նոսին բարեկամքն քան ինքեանք վայելեսցեն:

Իսկ երկրորդ կարծիք այն իսկ է, որ սահմանէ զբարեկամութիւնն կշիռ երախտեօքն եւ խնամով: Սովին իսկ այսու նուազիցի եւ ամփոփիցի բարեկամութիւնն: Ինձ այսպէս թուի եթէ ճշմարիտ բարեկամութեանն արժան իցէ մեծագոյն եւ առատապոյն լինել, եւ ոչ այնպէս հաւաստեսու միտ դնել, զի մի աւելադոյն քան զոր ընկալան՝ հատուցանիցէ: Եւ ոչ երկնչել ինչ պարտ իցէ թէ մի ինչ ի բարեկամութեանն զուր եւ ընդ

վայր վատնիցի կամ յերկիր հեղուցու, եւ կամ կարի իմն դիզեալ աղեսաղնիցի:

Եւս իմն վատթարագոյն երրորդ սահմանն է՝ որ աւէն, թէ զնոյն ինչ կարծիս զոր զանձնէ դը ունիցի, եւ բարեկամին պարտ իցէ ունել: Վանդի են իսկ ոմանք՝ որ կարի վեհերոտքն են, եւ չունին ինչ ակն ինչս յաճախելոյ եւ երջանիկ կեանս կելոյ: Այս ոչ բարեկամի ինչ է նմանող նորա վհատութեանն լինել, այլ մանաւանդ գուն եղեալ ջանալ, զի քաջալերս նորա ոգւոյն մեղկելոյ եւ լքելոյ մատուցանիցէ, եւ խորհուրդո ազնուականս, եւ բազում անկալութիւն ի նորա միտսն արկանիցէ: Այսուհետեւ պարտ եւ պատշաճ է այլ իմն սահմանս կարգել բարեկամութեանն. բայց զայն նախ կամիմ յայտ առնել, զոր Ակիպիոն սովոր էր յանդիմանել: Չիք ինչ, ասէք, բարբառ թշնամի եւ հակառակորդ բարեկամութեան քան զայն՝ որ ասիցէն, թէ այնպէս զբարեկամն արժան իցէ սիրել, որպէս թէ երբեմն զնա ատելոց իցէ, եւ չառնոյր իսկ յանձն հաւանել եթէ այս Իհանդեայ բանք իցեն՝ որ յեւթն իմաստնոց համարի էր, այլ կծծոյ ուրումն եւ փառասիրի, կամ այնպիսոյ ուրուք՝ որ զամենայն ինչ յիւր զօրութիւնն ձգիցէ: Վանդի զիարդ բարեկամ լինել դը կարիցէ՝ որ համարիցին եթէ մարթ է նմա ի թշնամութիւն դառնալ: Ինչ այնպէս ինչ էր, հարկ իսկ էր ցանկալ եւ փափաքել, զի բարեկամն յաճախագոյնս յանցանիցէ, որով բազում պատճառս գտանիցէ զնա ըստգտանելոյ. սմին հակառակ ընդ ուզողութիւնս բարեկամին եւ ընդ հանգիստ նորա պարտ էր խանտալ եւ տրտմել եւ նեղեալ տազնոսպել:

Ասան որոյ այս պատուէր, ոյր ուրուք եւ իցէ, բարեկամութեան կորուսիչ կարէ լինել: Օայն առաւել արժան էր պատուիրել, զի այնպէս փոյթ յանձին ունիցիմք ի յարդարելն բարեկամութիւնս, զի մի զոր կարիցեմքն երբեմն ատել, սկսանիցիմք սիրել: Իսկ եթէ ի ժամանակի ընտրութեանն ոչ բարւոք եւ ըստ պատշաճի ընտրեալ իցեմք, այնպէս իմն Ակիպիոնեայ թուէր, թէ առաւել պարտ եւ պատշաճ իցէ այնմ տանել եւ ոչ զժամանակս թշնամութեանն ածել զմտաւ:

❖ ԺԵ. ❖

Եւ արդ ինձ այսպէս թուի, եթէ զայս ինչ սահմանս արժան իցէ ի կիր արկանել, զի բարեկամքն բարս անարատս եւ ազնուականս ունիցին, եւ յամենայնի եւ ի բնաւի եւ ի խորհուրդո եւ ի կամս հաղորդք եւ միաբանք իրերաց լինիցին։ Արպէս զի եթէ հարկ ինչ լինիցի անարժան կամաց բարեկամացն ձեռնառու լինել, յորժամ կամ կեանք նոցա եւ կամ համբաւ ի վտանգի կայցէ, պարտ է ի ճանապարհէն խոտորել, միայն թէ մի անպատեհ ինչ եւ առականաց իրքն իցեն։ Օ՛հ է ինչ սահման, ցորվայր մարթ է ներել բարեկամութեանն։ Բայց սակայն եւ զհամբաւոյ չէ պարտ անփոյթ առնել, եւ ոչ դոյզն ինչ կազմած համարելի է զխնամն քաղաքացեացն. զոր ողջքանօք եւ սուտակասպասութեամբ ստանալ բազում ամօթոյ եւ ծանականաց իրք են։ Օ՛առաքինութիւնն՝ որում սէրն ստէպ երթայ զհետ, չէ արժան ի բաց մերժել։ Բազում անգամ արտոնջեր իմն եւ հեծէր Ակիպիոն, քանզի միւսանգամ առ նա գամ, զի նորա իսկ են ամենայն բանքս վասն բարեկամութեան, թէ կարի մտադիւրագոյն են մարգիկ յայլ ամենայն իրս, քանզի կարեն ասել եթէ որչափ ինչ օգիս եւ այծիս իւրաքանչիւր դը ունիցի, այլ թէ քանի բարեկամք իցեն նոցա, չկարեն յայտ առնել. վասն զխաշինս ստանալոյ ցանգ ջանան եւ ճգնին, այլ վասն զբարեկամն ընտրելոյ չունին ինչ փոյթ յանձին, եւ չունին ինչ նշանս եւ ծանօթս՝ որովք ընտրել մարթայցեն թէ ո՞րք պատշաճ ի բարեկամութիւնն իցէ։ Պարտ եւ պատշաճ է ընտրել զայնպիսիս՝ որ հաստատունքն եւ անշարժք իցեն եւ ամենեւին իսկ պնդագոյնք. այլ այսպիսիքն դուն ուրեք եւ անօսր գտանիցին. զորոց եւ դատաստան առնել կարի դժուարին իցէ այնոցիկ՝ որոց չիցէ զփորձ առեալ. իսկ զփորձ անդէն ի բարեկամութեան պարտ է առնուլ։ Եւ այսպէս բարեկամութիւնն կանխէ քան զդատաստանսն, եւ չտայ թոյլ զչափ առնուլ եւ փորձել։

Եւ արդ առն իմաստնոյ է զառաջին եռանգն սիրոյ եւ բարեկամութեան ի չափու ունել, եւ ղնոսին իրրեւ զկառս վարել. զի զոր օրինակ կառավար խելամուտ նախ

զփորձ զերկարացն առնու, նոյնպէս եւ նա նախ խելա-
մուտ բարուց բարեկամացն լեալ յիրս ինչ, այնպէս զբա-
րեկամութիւնն արկանիցէ ի կիր: Ոմանք վասն սակաւ
արծաթոյ բազում անգամ երեւիցին թէ որչափ թե-
թեւք իցեն. եւ կէպք եւս՝ որ սակաւութիւն չարութիւն,
ի յաճախագոյնսն ճանաչին: Եւ թէ գտանիցին եւս
ոմանք՝ որ համարիցին եթէ կարի անարգն եւ խոտան իցէ
զինչս քան զբարեկամութիւն նախամեծար առնել, ուր
ուրեք մարթ իցէ գտանել զայնպիսի դժ՝ որ զպատիւս եւ
զաւագութիւն, զխնայութիւն, զհարստութիւն եւ զճո-
խութիւն չհամարիցի լաւագոյն քան զբարեկամութիւնն.
զի յորժամ ի մի կոյս այս ամենայն դնիցի, եւ ի մեւս
թեր բարեկամութեանն օրէնք, ոչ առաւել ընդ սոսա
քան ընդ այն կամիցին: Վանգի ի խոտել զաւագու-
թիւն տկար եւ անզօրական գտանի բնութիւն. որում
եթէ լքեալ թողեալ դժ զբարեկամութիւնն՝ հասանի-
ցէ, համարի իմն եթէ վաղվաղակի ի մոռացօնս այն ան-
կանիցի եւ ջնջիցի, այնու զի ոչ վասն դոյզն ինչ պատ-
ճառանաց զբարեկամութեամբն զանց արար:

Ս ասն որոյ կարի դժուարին է ի նոսա՝ որ ի պա-
տուի իցեն եւ յիրս պետութեան դեգերիցին՝ ճշմարիտ
բարեկամութիւնս գտանել: Վանգի ուր ուրեք գտա-
նիցեմք զայնպիսի ինչ դժ, որ զպատիւս բարեկամին նա-
խամեծար քան զիւրն առնիցէ: Եւ արդ զիսորդ. որչափ
ծանր, քանի դժուարին բազմաց երեւիցի ընկեր եւ կցորդ
վշտաց լինել: Դժուարին է գտանել՝ որ զայնպիսին
առնուցու յանձն: Թէպէտ եւ քաջ ասաց Լանիոս, եթէ

ԲԱՐԵԿԱՄ ԺԵՄԱՐԻՑ ՅԻՐՍ ՅԵՂՅԵՂՈՒԿՍ ԵՐԵՒԻ.
սակայն երկու ինչ իրք են որ յայտ արարեալ ցուցա-
նեն թէ որչափ ինչ թեթեւք եւ տկարագոյն են բա-
զումք, յորժամ կամ յաջողութիւնս զբարեկամն խո-
տիցեն եւ ընդ վայր հարկանիցեն, եւ կամ ի չաջողու-
թիւնսն լքեալ թողուցուն:

ժ.Բ.

Իսկ որ յերկոսին եւս պնդադոյն եւ հաստատուն եւ անշարժ զանձն ի բարեկամութեանն ընծայեցուցանիցէ, զայնպիսին ի դուն ինչ եւ անօտ մարդկան համարոյ, մանաւանդ թէ եւ ի կարգէ դիցն արժան է համարել:

Այլ հիմն նորա հաստատութեանն եւ անմեղկութեան՝ զոր ի բարեկամութեանն խնդրիցեմք, հաւատարմութիւն է: Այլ որ ինչ առանց հաւատարմութեան իցէ, այն եւ հաստատուն իսկ չէ: Այլ դարձեալ, զանկեղծաւորն եւ զընդել, եւ որ հլուական բարս ունիցի՝ պարտ է ընտրել, զի այս ամենայն հաւատարմութեան է: Իսկ միտք կամակոր եւ բազմադիմի չփարէ հաւատարիմ լինել, եւ ոչ՝ որ ընդ նոյն ինչ չհաճիցի:

Սարթ իսկ եւ պատշաճ է եւ զայն եւս յարել ի ուոյն, զի մի յօժարութեամբ զբարեկամի բամբասիցէ եւ կամ եթէ զյանցանաց բարեկամին ամբաստան ոք լինիցի՝ հաւատայցէ. որ արդի ճառեալ հաւատարմութեանն ակն է: Սովին իսկ այսուիկ առնի ճշմարիտ այն, զոր անդ ուրեմն իսկզբանն ասացաք, եթէ բարեկամութիւնն ի լաւն եւեթ գտանի: Վրանդի արք լաւք՝ զորս եւ իմաստունս եւս մարթ է անուանել, զերկուս զայս ի բարեկամութեանն պահեն. նախ այնմ իմն ուշ ունին զի մի ինչ կեղծեօք եւ կերպարանօք լինիցի, քան զի անկեղծաւոր մտաց է յայտյանգիման դրսովել, եւ ոչ կերպարանօք զմիտսն բարեքել: Արկրորդ անգամ՝ զի ոչ միայն զգրպարտութիւնսն՝ որ զբարեկամէն լինիցին, ջանան մերժել, այլ եւ ինքեանք եւս չունին կասկած ինչ ի մտի, եւ չհամարին իսկ թէ ցանդ սակաւիկ ինչ զրկանս հասանիցէ նոցա ի բարեկամէն կրել:

Դարձեալ պարտ եւ պատշաճ է քաղցրախառն բանս եւ բարս բարեբարս ի սոսին յաւելուլ, որ չափ ինչ հանդերձանք բարեկամութեան են: Վրանդի տխուրն տրտմութիւն եւ դժնդակութիւն ծանր եւ տաղտուկ է. իսկ բարեկամութիւնն պարտի մեղմագոյն եւ քաղցրագոյն լինել եւ յամենայն ընտանութիւնս յօժարագոյն:

Այս յայտով վայրի խնդիր ինչ դժուարին, եթէ արժան իցէ զբարեկամն նորս՝ զարժանաւորս բարեկամութեան, քան զհինսն մեծարոյս համարել, որպէս զերկարս մատաղս քան զծերացեալսն նախամեծար առնեմք։ Ավարանք որ անարժան են մարդոյ. զի ոչ եթէ ի բարեկամութենէն հանգոյն այլոց իրաց պարտիմք յազել։ Ամենայն ինչ՝ որ բազմաժամանակեայն է, իբրեւ զգինի հին քաղցրագոյն պարտի լինել. եւ արդարեւ ճշմարիտ է այն որ ասին, թէ Պարտ է բազում գրիւս աղի ճաշակել ի միասին, զի լցցի բարեկամութեանն պաշտօն։

Այլ զերս նորս եթէ յոյս ինչ ակնկալութեան մատուցանիցեն, որպէս զի մարթ իցէ վնոցա պտուղն, որպէս ի տունկան մրգաբերս, տեսանել՝ չէ պարտ մերժել. սակայն զհնութիւնն արժան է պահել յիւրում կայի։ Վանգի զօրութիւն կանխութեանն եւ ընդելութեան կարի մեծագոյն է։ Այլ վասն նորին իսկ երկարին՝ զորմէ այժմ յիշեցաք, եթէ չիցէ այլ ինչ արդել, չեք ոք որ ոչ այնու ընդ որ սովորեալն է, առաւել յօժարութեամբ պաշտիցի, քան նովաւ՝ որ թերավարժն եւ տրմուղ իցէ. եւ ոչ միայն յայտով՝ որ շնչաւորն է, այլ եւ յանշունչն եւս բազում զօրութիւն սովորութիւնն ունի. զի եւ ի լեռնային եւ յանտառախիտ վայրս, յորս երկայնաձիգ ժամանակս դադարեալ իցեմք, ուրախ լինիմք։

Սակայն կարի իսկ մեծ է ի բարեկամութեանն՝ աւագին հաւասար կրօնեոյն լինել։ Վանգի բազում անգամ մեծամեծ առաւելութիւնք յուրուք վերայ գտանին, որպիսի ոք Սկիպիոնն, զի այսպէս ասացից, ի մերում ժողովի էր։ Այլ քան զՓիզոս եւ զՍուպիդիոս եւ կամ զՄուսիոս եւ քան զխոնարհագոյն եւ զապաժաման բարեկամս առաւել զանձն համարէր։ «Այա եւ զԱ. Մաքսիմոս զիւր եղբայր, զայր ազնիւ, որ չէր ինչ իւրիք հաւասար նմին, այլ քանզի երէց էր տիովքն, իբրեւ զաւագ պաշտէր, եւ կամէր թէ իւրքն ամենայն աւագագոյնք քան զինքն լինիցին։

Արում պարտ եւ պատշաճ է ամենեցուն նմանողս իսկ լինել եւ զնոյն առնել. զի եթէ զառաւելութիւն

առաքինութեան եւ զհանձարոյ եւ զբախտի ունիցի դք, եւ զիւրան եւս նոցին բաժանակիցս արասցէ եւ մերձաւորացն եւս հաղորդեսցէ. զի թէ անարգք եւ աննշանաւորք նոցա ծնանելիքն իցին եւ կամ եթէ ազգատոհմն նոցա տկար իցէ կամ թափուք ի ստացուածոց, զսոցա արարն յաւելուցուն, եւ զնոսա ի փառաւորութիւնս եւ յաւազութիւն հասուցանիցեն. որպէս յառասպելն եւ ի գուսանական խաղան կայ, թէ որ երբեմն վասն անտեղեակ իւրեանց ցեղին եւ ազգատոհմին լինելոյ, ի ստրկութեան կացին, իրրեւ յայտ եղեն եթէ կամ զիւցազունք եւ կամ արքայորդիք իցեն, եւ յայնժամ եւս առ հովիւսն՝ զորս բազում ամս առ հարս ունէին, պահեցին զընդերկան խնամնն¹⁸. որչափ եւս առաւել պարտ եւ պատշաճ իցէ առ ճշմարիտ եւ առ ստոյգ հարսն առնել: Քանզի շահ մեծաշահ հանձարոյ եւ առաքինութեանց եւ ամենայն առաւելութեանց յայնժամ մանաւանդ կթիցի, յորժամ եւ ընկերն եւս բազորդ եւ բաժանորդ նոցին լինիցի:



Այլ որպէս նոցա՝ որ ի բարեկամութեանն եւ յազգականութեան աւագազոյնք իցեն, հարկ է ընդ խոնարհազոյնսն զուգական լինել, նոյնպէս եւ սոցա չէ արժան տրտմել, յորժամ զբարեկամն կամ հանձարով, կամ արարովք եւ կամ պատուովք քան զանձինս վերադոյն տեսանիցեն: Հորոց բազումք կամ ցանգ տրտնջեն եւ քրթմնջեն, եւ կամ յանդիմանութեամբ յերեսս հարկանիցեն, մանաւանդ յայնժամ, յորժամ համարիցինն թէ ունիցին ինչ՝ զորմէ կարիցեն ասել թէ վասն արբանեկութեան եւ վասն բարեկամութեան, իւրեանց վաստակովքն արարին նոցա: Արդարեւ արժանի դսրովանաց են, որ ցանգ զիւրեանց արբանեկութիւնն յիշեցուցանիցեն. քանզի ի դէպ է զի նա՝ որում արարաւն, եւ ոչ որ արարն զերախտիսն, յուշ ածիցէ:

Արդ որպէս աւագացն հարկ ի վերայ կայ խոնարհել եւ զիջանել ի բարեկամութեան, նոյնպէս եւ կրսեւրացն սակաւիկ մի ինչ վերացեալ բարձրանալ: Քանզի

ումանք տաղտուկ զբարեկամութիւնն գործեն, այնու զի կարծեն իմն եթէ խոտեալ անարգին . որ այնմ միայն դիպիցի՝ որ տրժանի արհամարհանաց զանձն հաշուիցի : Օտոսա ոչ միայն բանիւք, այլ եւ արդեամբք իսկ պարտ եւ պատշաճ է յայսպիսի կարծեաց զերծուցանել :

Նախ՝ այնչափ ինչ արբանեկութիւն իւրաքանչիւր ումեք արժան է մատուցանել, որչափ ձեռնհասն իցես : Արկրորդ անգամ, որչափ նա՝ զոր սիրեսն, որում եւ օգնականն լինիս, տանել մարթայցէ : Վանդի չես աւտակ, թէպէտ եւ կարի դք հոյակապ իցես, զամենայն բարեկամս քո ի մեծութիւնս եւ ի փառաւորութիւնս հասուցանել . որպէս եւ Ակիպիոն, թէպէտ եւ կարաց զՊ . Սուտիղիոս ի բարձ բռնելութեան մատուցանել, չեղեւ ձեռնհաս զՂուկիոս զնորին եղբայր յայն պատիւ ամբառնալ : Այլ եթէ կարող եւս իցես առնել ինչ ումեք, սակայն պարտ է ուշ ունել թէ զինչ ինչ նա կարիցէ տանել : (Յայնժամ պարտ եւ պատշաճ է զբարեկամութեանցն դատաստան առնել, յորժամ հասակքն զարգանայցեն եւ միտքն հաստատեալ պնդիցին : Նա եւ ոչ հարկ ինչ ի վերայ կայ նոցա՝ որ ի տիս մանկութեան որսոց եւ գնդաց պարապէին, զայնոսիկ՝ զորս վասն ճարտար յիրսս այսոսիկ լինելոյ սիրէին, ի համար իւրեանց կարեւոր բարեկամացն խառնել : Վանդի այսպիսի ինչ խնամն եւ դայեակքն եւ դաստիարակք վասն կանխութեան իրաւանց պահանջիցեն, զորս չէ պարտ անտես առնել, այլ այլով իմն օրինակաւ պաշտել : Ապա թէ ոչ, չէ մարթ բարեկամութեանն կալ մնալ հաստատուն : Վանդի աննման բարուցն՝ յօժարութիւնք աննմանք են, որոց աննմանութիւն քակէ զբարեկամութեանն միաբանութիւն . եւ ոչ այլ ինչ պատճառք իցեն, որոց վասն լաւք յուեացն եւ յուիք լաւաց բարեկամ լինել չկարիցեն, այլ սոյն այս միայն զի ընդ նոցա բարսն եւ ընդ յօժարութիւն բազում խորոց եւ անջրպետութիւն ի միջի կայ :

Արբի իսկ յիրաւի մարթ է զայս ինչ օրէնս կարգել վասն բարեկամութեանն, զի մի անչափ խնամքն՝ որ բազում անգամ եւ յաճախագոյնս լինին, խափանիչ մեծաշահ օգտութեանց բարեկամացն լինիցին : Վանդի եւ ոչ, զի յառասպելսն դարձայց, 'Աէդատողէմ' ¹⁷ զՏրոփա-

ցւոց քաղաքն կարէր առնուլ, եթէ 'Վիկոմեդեայ' առ որում վարժեալն եւ հրահանգեալ էր, կամէր անսալ, որ բազում արուստով զնա կամէր արգելուլ¹⁸: Այլ բազում անգամ վասն մեծամեծ ինչ իրաց արժան է ի բարեկամէն ի բաց դնալ. զոր եթէ անտես առնել ոք կամիցի, այնու զի անձուկ բարեկամին ոչ այնպէս դիւրաւ թողացուցանէ, այնպիսին ի բնէ իսկ տկար է եւ մեղկ, եւ վասն այնորիկ իսկ չէ պատշաճ ի բարեկամութիւն: Այլ յամենայնի պարտ է եւ զայն զոր ի բարեկամէն խնդրիցես, եւ զոր կամիցիսն թէ նա ի քէն խնդրիցէ, ածել զմտաւ:

ԻԼ

Արքեմն ադէտք անհնարինք ի վերայ հասեալ մեր բուռն ընին մեզ զբարեկամութիւնն ի բաց թողուլ. (քանզի յիմաստնոցն ընտանութենէ ի հասարակաց բարեկամութիւն զբանս դարձուցանեմ): Չարիք բարեկամացն բազում անգամ եւ ի նոսին եւ յայլսն եւս երեւին, բայց սակայն ծանականք նոցին ի բարեկամ անդր ընթանան: Ամին իրի իսկ զայսպիսի բարեկամութիւնս պարտ եւ պատշաճ է լուծանել եւ դուն ուրեք զնոսին ի կիր արկանել. բայց սակայն, որպէս Պատոն ասէր, ոչ վաղվաղակի եւ արագ արագ արժան իցէ խզել եւ ի բաց ընկենուլ, այլ որպէս զհանդերձն ոք քակիցէ, այնպէս մեղմով իմն եւ առ սակաւ սակաւ լուծանել զբարեկամութիւնն, եթէ ոչ անհնարին ինչ ապիրատութիւն դիպեալ իցէ, որպէս զի չիցէ ի դէպ եւ վայելուչ, մանաւանդ թէ եւ ոչ հնարաւոր ինչ չթողուլ զայն վաղվաղակի:


Իսկ եթէ բարք եւ յօժարութիւն բարեկամացն փոփոխեալ ինչ իցեն, որպէս բազում անգամ եւ յաճախագոյնս դիպիցի, եւ կամ յընկերհաշտութեան իրս բաժին եւ չմիաբանութիւն կայցէ, (քանզի որպէս եւ ասացին իսկ, ոչ զիմաստնոցն ինչ, այլ զհասարակաց բարեկամութենէ խօսիցիմ,) յայնժամ բազում զգուշութեան պէտք են, զի մի յորժամ բարեկամութիւնն լուծանիցի, յանհնարին թշնամութիւն դառնայցէ: Վրան

զի չիք ինչ քան զայն ամօթոյ եւ ծանակութեան, յոր-
ժամ ընդ նմա՝ ընդ որում բազում ընդելական սիրով
կեցեալ իցես, առնիցես մարտ պատերազմի։ Ի բարե-
կամութենէ Վու. Պոմպէի վասն իմ մեկնեցաւ Սկի-
պիոն, որպէս դուք իսկ ինքնին գիտէք. այլ վասն չմիա-
բանութեանն՝ որ յրնկերհաշտութեանն էր, եւ ի Սետե-
ղեայ եւս՝ ի մերմէ ընկերէն հեռանայր։ Օտրկոսին եւս
բազում զգօնութեամբ գործեաց, ճոխութեամբն եւ ոչ
սաստիկ ինչ դառնութեամբ ոգւոյ։

Վասն որոյ պարտ եւ պատշաճ է նախ փոյթ յան-
ձին ունել, զի մի չմիաբանութիւն ինչ ի բարեկամացն
միջի լինիցի. եւ եթէ սոյնպիսի ինչ դիպիցի, շիջեալ
միայն բարեկամութիւն, եւ ոչ եթէ բնաւին ջնջեալ
թուիցի։ Եւ այնմ եւս արժան է ուշ ունել, զի մի յան-
հնարին թշնամութիւնս բարեկամութիւնք փոխեցին,
յորոց կուրք եւ անէծք եւ թշնամանք ծնանիցին։ Եթէ
թեթեւագոյն ինչ թշնամանքն իցեն, հարկ է այնմ տա-
նել, վասն մեծարանաց առաջին բարեկամութեանն. որ-
պէս զի նա՝ որ զթշնամանն ածէ, եւ ոչ որ զայն կրի-
ցեն, պարտաւոր գտանիցի։ Եւ մենայն չարեացս պսոցիկ
եւ տառապանաց այս միայն զգուշութիւն է եւ սոյն դար-
ման, մի վաղվաղակի եւ խառն ի խուռն զոք սիրել, եւ
մի զչարժանաւորն սիրել։

Եւլ արժանաւորք բարեկամութեան նոքա են՝ որ
զպատճառսն՝ ոյր վասն սիրիցինն, բովանդակեալ ունի-
ցին։ Եւ դարեւ այսպիսի ինչ սէր դուն ուրեք գտանիցի։
Օ ի ամենայն ինչ որ երեւելին եւ պայծառագոյն է, դուն
եւ անօսր եւս իցէ. եւ չիք ինչ դժուարին քան զգտա-
նել այնպիսի ինչ՝ որ կատարեալ ամենեւին յիւրում ազ-
գի իցէ։ Սակայն բազումք եւ ի մարդկեղէն իրս զայն
միայն լաւ համարին, որ շահաւէտն եւ արդիւնաշատ
իցէ. եւ ի բարեկամացն՝ զնոսին առաւել սիրեն, որպէս
ընդ անասունսն առնեն, յորոց յուսացեալ ակն ունին
եթէ բազում օգտութիւնս գտանիցեն։ Եւ այնպէս չու-
նին զայն գեղեցիկ եւ զընտարոյս բարեկամութիւն՝ զոր
վասն նորին լաւութեանն արժան է խնդրել. եւ ոչ
յիւրեանց անձանց կարեն առնուլ ի միտ, թէ քանիօն
եւ որպիսի զօրութիւն այնր բարեկամութեան իցէ։

Վանդի ոչ վասն այնորիկ ինչ իւրաքանչիւր որ զիւր անձնն սիրէ, զի փոխարէնս յանձնէ իւրմէ վասն իւրոյ սիրոյն պահանջեցէ, այլ զի ի բնէ իսկ իւրաքանչիւր որ իւրում անձինն սիրելի է: Եթէ ոչ եւ բարեկամն եւս սոյնպիսի ինչ սիրով սիրիցի, չգտանի ուրեք բարեկամ ճշմարիտ: Օ՛հ է իսկ նա իրրեւ երկրորդ որ նոյն: Եւ եթէ եւ յանասունս եւս սոյնպիսի սէր երեւիցի, որպէս ի Թռչունսն եւ ի զեռուն ղողակս, ի մարդընդել եւ ի վայրենի գազանս, որ նախ զանձինս սիրեն, քանզի ամենայն շնչաւորք այսպիսի բարս ընդաբոյսս բարոյածինս ունին. երկրորդ անգամ զի խնդրեն եւ ցանկան յարել ի մի յիւրեանց ազգէն եւ ի նմանւոյ, զոր եւ բազում յօժարութեամբ առնեն, նմանեալք իմն սիրոյ մարդկան. որչափ եւս առաւել ի դէպ եւ պատշաճ իցէ զի եւ մարդիկ այսպիսի ինչ բարս ունիցին, որ անձամբ զանձինս սիրեն եւ խնդրեն եւս զայլ որ՝ ընդ որում այնպէս զօգեալք խառնիցին, որպէս զի յերկուցն մի ինչ յօրինեալ կազմիցի:



Եւլ բազումք եւս իմն անպատեհս, չասացից անամօթագոյնս, այնպիսի բարեկամս ցանկան ունել, որպիսիք որ ինքեանք չկարիցեն լինել. զոր բարեկամացն չտայցեն ինչ, զայն ի նոցանէ առնուլ ցանկան. այլ պարտ եւ պատշաճ է զի նախ ինքն լաւ եւ առաքինի լինիցի, եւ յայնժամ ապա իւրոց նմանեացն ելանիցէ ի խնդիր: Յայսպիսեաց միջի արդի ճառեալ պնդութիւն բարեկամութեան մարթի հաստատել. յորժամ բարեսէր մտօք գիրկընդխառն ընդ միմեանս մարդիկն լինիցին, եւ նախ ցանկութեանցն՝ որոց այլք ի հարկի կան, գեր ի վերոյ լինիցին. երկրորդ անգամ՝ յիրաւունս եւ յարդարութեան վայելիցեն, եւ զամենայն ինչ վասն միմեանց յանձն առնուցուն, եւ զվայելուչսն եւ զուղիղս եւեթ յիրերաց խնդրիցեն, եւ ոչ միայն պաշտիցեն եւ սիրիցեն զմիմեանս, այլ եւ բազում պատկառանօք մեծարիցեն: Վանդի զբազմապայծառ զարդ վայելութեան բարեկամութեանն բառնայ, որ զպատկառանս ի նմանէ ի բաց

բառնայցէ : Ասան որոյ կարի փաստակար նոցա մոլորութիւնն է, որ կարծիցենն թէ համարձակ իցէ նոցա ի բարեկամութեան զամենայն չարիս եւ զանօրէնութիւնս անխտիր գործել : Անդատին ի բնութենէ շնորհեալ է բարեկամութիւն օգնական եւ զօրաւիգն առաքինութեան, եւ ոչ եթէ ընկեր եւ զովողակից չարութեան . զի որովհետեւ չէ կարող առաքինութիւն միայն առանձինն, այնոցիկ՝ որ բարձրագոյնքն եւ մեծամեծք իցեն՝ հասանել, միացեալ եւ միաբանեալ ընդ այլում հասանիցէ . եւ եթէ կայցէ ինչ այսպիսի միաբանութիւն յոմանց միջի, եւ կամ լեալ երբեք իցէ, եւ կամ թէ լինիցի, կարի ազնուագոյն եւ երանելի եւ քան զամենայն ինչ օգտակարագոյն մարդկեղէն բնութեան զայն համարելի է :

Այն այս միաբանութիւն է՝ որ զամենայն ինչ բովանդակեալ ունիցի, զոր մարդիկ արժանի ցանկանալոյ հաշուիցին, զվայելութենէ ասեմ եւ զփառաց, եւ զոգւոցն հանդարտութենէ եւ զքաղցրութենէ . զի յորժամ սոքա մօտ իցեն, երանելի են կեանք, եւ առանց սոցա չկարեն լինել այնպիսիք : Առ քանզի այն կարի մեծ եւ քան զամենայն ինչ ազնուագոյն է, եթէ հասանել այնմ կամիցիմք, պարտ է առաքինութեանցն պատկառ կալ . զի առանց այնր ոչ զգարեկամութիւնն, եւ ոչ այլ ինչ որում ցանկանայցեմք, կարեմք ստանալ : Իսկ եթէ զառաքինութեամբ որ անփոյթ արարեալ անցանիցէ, եւ համարիցի թէ ունիցի բարեկամս, յայնժամ ի միտ առեալ ծանիցէ, թէ վրիպեալ է, յորժամ անհնարին ինչ դիպօք բռնադատիցի զփորձ առնուլ :

Յայն սակս (քանզի յաճախագոյնս պարտ է երկրորդել) ի դէպ եւ պատշաճ է նախ քաջ դատել եւ ապա սիրել, եւ ոչ յետ սիրելոյն դատաստան առնել : Այլ որպէս ի բազում իրս անհոգութեամբ կրեմք պատիժս, նոյնպէս առաւել եւս յընտրելն զգարեկամս եւ ի մեծարել : Վրանզի թեւր իմն եւ խոտորնակ խորհրդովք վարիմք, եւ ընդունայնաջան լինիմք . զոր արդելու մեղհին առաւն : Այլ շողեալք պատեալք աստի եւ անտի բազմաժամանակեայ ընտանութեամբ կամ երախտեօք, յորժամ դժկամակութիւն ինչ հասանիցէ մեզ կրել, անդէն վաղվաղակի զբարեկամութիւնն լուծանեմք :

Դժին իրի որչափ մեծ եւ կարեւոր իրքն իցեն, նոյն-
չափ եպերելի նոցին անհոգութիւն է: Վանգի յիրս
մարդկեղէնս մի միայն է բարեկամութիւն, զորմէ ամենե-
քին վկայեն եթէ բազում պիտանութիւն եւ օգուտս
ունի: Բազումք զառաքինութիւն դարձնեն եւ ցոյցս
իմն եւ պարծանս համարին. եւ կէղք զմեծութիւն ան-
գոսնեն, որոց՝ քանզի սակաւութիւն շատանան, լոկ եւ ան-
հանդերձ կերակուրք եւ դոյզն սպապ բաւական են:
Նա եւ զպատիւն եւս՝ որոց ոմանք անհնարին տենջա-
նօք վառեալ ցանկանան, բազումք այնպէս իմն խոտեն
եւ անարգեն, զի քան զամենայն ինչ ընդունայն եւ չնչե-
նագոյն զայն համարին. սոյնգունակ եւ զայլ եւս ազգի
ազգի իրս՝ որ ոմանց պանչելի եւ զարմանալի թուիցին,
բազումք են որ առ ոչինչ գրեն: Բայց սակայն զբա-
րեկամութենէ ամենեքին իսկ զնոյն ինչ կարծիս ի մտի
ունին. եւ նոքա որ միջամուկք յընկերհաշտութիւնն
իցեն, եւ նոքին որ ազգի ազգի տեղեկութեանց եւ
հրահանգաց պարապիցեն. նաեւ նոքին՝ որոց զերծեալ
ի բազմաթախանձ զբօսանաց՝ զերեանց իրս վճարիցեն.
Դարձեալ եւ նպքա եւս՝ որ անձնատուրք ի փափկու-
թիւնս իցեն, համարին իմն եթէ չեցեն ինչ կեանք ա-
ռանց բարեկամութեան, թէ միայն կամիցին ազատու-
թեամբ կեանս կեալ: Վանգի չգիտեմ զեւրդ սպրդեալ
մտանէ բարեկամութիւն ի վարս ամենայն մարդկան, եւ
չառնու յանձն թէ չափ ինչ հասակաց անմասն ի նմա-
նէ գտանիցի:

Թէպէտ եւ յայնպիսի ինչ դաժանութիւն եւ յա-
նագորունութիւն հասեալ իցէ որ, զի ի մարդկանէ փախ-
չիցի եւ զնոսին խոտիցէ, որպէս զՏիմոնէ¹⁹ ումեմնէ ա-
սեն՝ թէ այսպիսի որ լեալ իցէ յԱթենացւոց քաղաքի,
բայց սակայն չէ նմա հնար չինդրել զոր, որում
զժանկարեր թոյնս իւրոյ դաժանութեանն ի բաց թա-
փիցէ: Այլ յայնժամ աւելագոյն կարիցեմք խելա-
մուտ այսմ լինել, եթէ զմի որ ի մէնջ՝ ի բազմամբոխ
բազմութենէ անտի մարդկան դիքն ի բաց բառնայցեն,
եւ եղեալ յառանձինն ինչ վայրի, շնորհիցեն նմա

անդէն զլիութիւն եւ զյաճախութիւն ամենայնի՝ որոց մարդիկն ցանկանան, բայց միայն չտացեն թոյլ յիւրոց նմանեացն զոր տեսանել։ Ի՞նչ որ այնպէս խիստ եւ երկաթի իցէ, որ կարիցէ այնմ կենաց ժոյժ ունել. ոչ ապաքէն զվայելութիւն ամենայն փափկութեանց հանցէ ի նմանէ միայնութիւնն։

Եւրդ ճշմարիտ է այն՝ զոր Արքիա Տարենտացի²⁰, որպէս ինչն թուի, սովոր էր ասել, զոր եւ մեր ծերքն յիշատակէին յայլոց ծերոց ուսեալք։ Եթէ որ վերացեալ բարձրացեալ ի բարձրարեւր՝ բարձունս երկնից, պշուցեալ նայէր ընդ բնութիւնս աշխարհի եւ զմեծապայծառ վայելութիւն աստեղացն նշմարէր, թերեւս չլինէին ինչ նմա քաղցր եւ հեշտական ամենայն զարմանալիքն. իսկ եթէ էր որ ի միջի՝ որում զայն պատմէր, կարի քաղցրագոյն լինէր։ Այսպէս բնութիւնն չախորժէ զմիայնութիւն, եւ ցանգ իրբեւ ի նեցուկ ինչ առ այլ որ յենու, որ ի կարի մտերիմ բարեկամն կարի հեշտական է։



Եւլ թէպէտ եւ այնչափ նշանօր յայտ առնէ բնութիւն զոր կամիցին եւ խնդրիցէ եւ ցանկանայցէ, սակայն չգիտեմ զիարդ խլանամք եւ զլսելիսն խնուցումք, եւ յորժամ ի նմանէն խրատիցիմք՝ չլսեմք յօժարութեամբ։ Վանդի բազմապատիկ եւ բիւրազգի է բարեկամութեանն պիտանութիւն, եւ բազում պատճառք կասկածանաց եւ դառնութեան ընծայանան, յորոց փախել եւ զնոսին ի բաց բառնալ եւ նոցին տանել գործ իմաստութեան է։ Բայց սակայն պարտ եւ պատշաճ է զայն դառնութիւն բառնալ ի միջոյ, զի ճշմարտութիւն եւ հաւատարմութիւն կայցեն մնայցեն ի բարեկամութեանն։ Վանդի բազում անգամ հարկ ի վերայ կայ խրատել զբարեկամն եւ կշտամբել. եւ նմա արժան է առնուլ յանձն բարեկամութեամբ, յորժամ բարեսէր մտօք լինիցի։ Եւլ չգիտեմ զիարդ ճշմարիտ իցէ այն՝ զոր ընտանի բարեկամն իմ ի խաղուն անդ Ենդրիացւոյն²¹ առաց։

ԱՐԻԱՆԵԿՈՒԹԻՒՆ՝ ԲԱՐԵԿԱՄՍ ԵՒ ՃՇՄԱՐՑՈՒԹԻՒՆ
ԱՅԵԼՈՒԹԻՒՆՍ ԾՆԱՆԻ

Մանրատաղտուկ եւ դժնդակ է ճշմարտութիւն՝ եթէ ատելութիւն ի նմանէ ծնանիցի, որ թոյն դառնաթոյն է բարեկամութեան. այլ մեծարանք առաւել եւս դժնդակագոյնք են՝ որ յանցանացն ներիցեն, եւ տացեն թոյլ բարեկամացն դաճալէժ դարաՀոս լինել: Այլ քան զամենայն յանցանս մեծագոյն նորա յանցանքն են՝ որ զճշմարտութիւնն անգոսնիցէ, եւ մեծարանօք ի չար անդր գլորիցի: Այլ արդ պարտ եւ պատշաճ է բազում փոյթ յանձին ունել, նախ զի մի ծանր եւ տաղտկալի խրատքն լինիցին. երկրորդ անգամ՝ զի յանդիմանութիւնքն առանց թշնամանաց իցեն. իսկ ի մեծարանսն (քանզի Տերենտեայ բանիւքն յօժարագոյն պաշտիմք) հեզ եւ համբոյր բարք մօտ կայցեն, եւ սուտակասպասութիւն՝ որ օգնական եւ ձեռնտու է համօրէն չարեաց, ի բացեայ եւ մեկուսի. զի այն՝ ոչ բարեկամի միայն, այլ եւ ոչ ազատի ումեք արժանաւոր եւ վայելուչ է: Վրանպէ այլազգ ընդ բռնաւորի եւ այլազունակ ընդ բարեկամի կեանս վարեմք:

Իայց որոց լսելիքն փակեալ ճշմարտութեանն իցեն, եւ չկարիցեն ի բարեկամէն զճշմարտն լսել, պարտ է զնոցա փրկութենէն հատանել զոյս: Վրանզի ի մէջ յաճախագոյն բանից Նատոնի եւ այս եւս կարգեալ կայ թէ խշնամիք անագորոյնք, քան զայնս ի բարեկամաց որ քաղցրագոյնքն երեւիցին, աւելագոյն երախտիս գործեն. զի նոքա ցանգ զճշմարտն ասեն, իսկ սոքա՝ եւ ոչ ուրեք: Այլ եւս իմն անպատեհագոյն այն է, զի որ խրատիցինն՝ ընդ այն որ տաղտուկն իցէ, չտաղտկանան, եւ որ չիցէն տաղտկալի, ընդ այն կարի տաղտկանան: շնեղին ինչ եւ չտառապին վասն յանցանացն զոր յանցանեն, այլ յորժամ կշտամբիցին, վաղվազակի ըմբոստանան եւ դժկամակ եւս լինիցին. որոց պարտ եւ պատշաճ էր ընդ յանցանսն տրտմել եւ տխրել, եւ ընդ յանդիմանութիւնսն ուրախ լինել:



Եւ արդ որպէս ճշմարիտ բարեկամաց է զմիմեանս խրատել, եւ միումն համարձակութեամբ եւ առանց ինչ խիստ եւ դառն բանից զայն առնել, եւ միւսումն մտադիւրութեամբ ընդունել, եւ ոչ դիմադարձ ինչ եւ բան ընդդէմ լինելով, սոյնդունակ պարտ եւ պատշաճ է համարել այնպէս, թէ ի բարեկամութեան չիցէ ինչ ախտ ժանտագոյն քան զսուտակասպասութիւն եւ զփաղաքշանս եւ զողորանս. թէպէտ եւ բեր եւ ազգի ազգի անուամբ պարտ էր յայտ առնել զայս բիծ թեթեւամիտ եւ խաբերայ մարդկան, որ զամենայն ինչ ըստ կամաց եւ ոչ ըստ ճշմարտութեան խօսիցին: Այլ որպէս ամենայն իրաց կեղծիք կարի վատթարագոյն է, քանզի կամակորէ իմն զճշմարտութիւնն եւ չտայ թոյլ այնմ խելամուտ լինել, սոյնպէս եւ ընդ բարեկամութեանն սաստիկ կռուի. զի ջնջէ իմն եւ ի բաց կորուսանէ զճշմարտութիւն, առանց որոյ անուն բարեկամութեանն չունի ինչ զօրութիւն: Օ՛ի եթէ բարեկամութեանն զօրութիւն յայն հաստատեալ իցէ, զի ի բազում ոգւոց մի ոգի եւեթ կազմիցի, զեւրդ մարթ իցէ այնմ լինել, եթէ եւ ոչ ի միումն ցանգ եւ միշտ մի ոգի եւեթ գտանիցի, այլ պէսպէս եւ փոփոխական, մանաւանդ թէ եւ բազմապատիկ իսկ:

Վանզի զինչ ինչ յեղեղուկ եւ խոտորնակ քան զողի այնր կայցէ, որ ոչ ըստ մտաց միայն այլ եւ ըստ դիմաց եւ ըստ ակնարկելոյ այլոց շրջըրջիցի:

ՈՒՐԱՆԱՅԷ ՈՔ. ՈՒՐԱՆԱՄ. ԱՍԻՑԷ ԱՅՈ. ԱՍԵՄ ԵՒ ԵՍ.
ՔԱՆՁԻ ՁԱՅՍ ԻՆՉ ԵՂԻ Ի ՄՅԻ ԻՄՈՒՄ
ԱՄԵՆԱՅԵՒ ՈՂՈՔԱՆՕՔ ՀԱՒԱՆԵԼ.

որպէս նոյն Տերենտիոս ասաց, այլ առեալ զերեսս Չնաթոնի: Օ՛այսպիսի բարեկամութիւն ի կիր արկանել ամենեւին թեթեւութեան է: Իսկ եթէ բազումք Չնաթոնի նմանագոյնք իցեն, աստիճանօքն եւ բախտիւ եւ համբաւով բարձրագոյնք, այնպիսեացն սուտակասպասութիւն կարի դժնդակագոյն է, այնու զի եւ ճոխութիւն եւս յընդունայնութիւնն յաւելուն: (Լայց սակայն մարթ

իսկ է այնպէս զսուտականապաս բարեկամն ջանիւք եւ հոգարարձութեամբ ի ճշմարտէն ընտրել, որպէս զայլ ամենայն իրս պաճուճեալս ընտրիցեմք: Եւ տխմարաց եւս եւ տգիտաց կարի դիւրին է ընտրել եւ կալ ի վերայ թէ որչափ ինչ ընդհատ իցէ գռեհիկն, այսինքն թեթեւամիտն եւ սուտականապաս, ի հաստատնոյն եւ ի հաւատարմէն, եւ յայնմանէ՝ որ զճշմարտն խօսիցի: Արպիսի բանս ողորքս բարբառէր սակաւիկ մի յառաջագոյն Կ. Պապիրիոս բղեշխ ի լսելիս ժողովրդեանն, յորժամ կամէրն օրէնս դնել վասն զաւանդակութիւնն միւսանգամ հաստատելոյ. հաւանեցուցաք զժողովուրդն չլինել ձեռնամուխ յայնպիսի ինչ: Եւ չսացից ինչ զանձնէ, իսկ զՍկիպիոնեայ խօսեցայց կամակարագոյնս. որչափ ինչ նորա ցածութիւնն էր, որպիսի շքեղութիւն ի բանսն, որպէս զի զօրաւար ազգին Էռոտոնց մանաւանդ եւ ոչ ընկեր եւ քաղաքացի ասէր ոք: Եւ զուք իսկ անդէն մօտ էիք, եւ ճառքն առ ձեռս կան: Եւ յայն օրէնք ժողովրդեան՝ ժողովրդեան վճռովքն մերժեցան: Եւ զարձայց եւ առ իս. յիշէք իսկ եթէ ի բղեշխութեան Կ. Սաքսիմեայ եղբօր Սկիպիոնի եւ Գ. Սանկինեայ, որչափ ինչ հաճոյ ռամկին լինէին օրէնք Կ. Գիկինեայ Արասեայ, զոր վասն քրմութեան կարգէր. քանզի ընտրութիւն ընկերաց քրմացն յիշխանութիւն ժողովրդեանն ապաստան լինէր: Սոյն այս այր նախ սկիզբն առնէր դառնալոյ ի ժողովուրդն կոյս յորժամ հրապարակախօսն լինէր: Եւ այն յիմում հազարապետութեան գործեցաւ, հինգամեայ ժամանակօք յառաջագոյն քան զժամանակս իմոյ բղեշխութեան: Եւ մին իրի իսկ՝ առաւել արդեամբք քան իմով ինչ ճոխութեամբ գտին իւրն պաշտպանութիւն:

Ի. Գ.

Եթէ ի տեսիլս թատերոց, այս ինքն ի ժողովս ժողովրդոց, ուր բազում տեղեր կցկցեալք եւ ստուերականք են, եւ ճշմարտութիւն եւս զիւր զօրութիւն ունիցի, յորժամ յայտնիցին եւ մեկնիցի, զինչ ինչ ի բարեկամութեանն արժան իցէ լինել, որ ամենեւին իսկ եւ բնաւին ի կշիռս ճշմարտութեանն կշռի. յորում, որպէս ասենն, եթէ ոչ բաց զսիրտն գտանիցես, եւ զքո եւս ցուցանիցես, չգտանիցի ինչ հաւատարիմ եւ ոչ ստոյգ ինչ եւ հաստատուն. չկարիցես սիրել զոք եւ ոչ ոիրել իռմեք լինել. քանզի չես ինչ տեղեակ թէ որչափ ինչ ճշմարտութեամբ այն լինիցի: Սուտակասպասութիւնն թէպէտ եւ մնասակար իցէ, չկարէ մեղանչել ռմեք բայց այնմ որ զայն ընդունիցի, եւ նովին ուրախ լինիցի. որով յայտ է եթէ նա միայն մտադիւրագոյն լսիցէ մարդահաճոյիցն եւ սուտակասպասաց՝ որ զիւր անձնն սիրիցէ, եւ անձամբ զանձն կարի իմն գրգիցէ եւ գգուիցէ:

Արդարեւ սիրէ զանձն առաքինութիւն, քանզի կարի քաջ զանձն ճանաչէ, եւ գիտէ հաւաստեալ թէ որչափ ինչ սիրելի իցէ: Բայց եւ ոչ եթէ զառաքինութեանէ այժմ խօսիցիմ, այլ զկարծեաց առաքինութեանն, քանզի բազումք ոչ այնչափ առաքինաւորք ցանկան լինել, որչափ այնպիսիք երեւել: Օայսպիսին սուտակասպասութիւն ուրախ առնէ. որոց եթէ մատուցանիցին բանք ինչ պաճուճեալք, զսնտի ճառսն զայնոսիկ համարին վկայութիւն անձանցն գովութեան: Ապա չէ ինչ այն բարեկամութիւն, յորժամ մին չկամիցի զճշմարիտն լսել, եւ մեւսն ի ստել կազմ կայցէ: Այս եւ ոչ ի ծաղը ինչ ածէին զմեղ ի տեսիլս խաղուց փաղաքշանք սեղանարոյծ մարդկան, եթէ չգտանէր ի նոսին զօրական անապարծ եւ անձնգով ք:

ԱՆՆ ԵՂԱՔԷՆ ՄԵԾ ԻՆՉ ԸՆՈՐՀԱՅԱՆՈՒԹԻՒՆ ՄԵՑՈՒՍՑԷ ԻՆՉ ԲԱՅՈՒՄ:

Եւտ իսկ էր տալ պատասխանի, թէ արդարեւ շնորհակալութիւն մեծ մատուցէ, այլ նա անբաւ եւ անչափս առէ: Անապաղ աճեցուցեալ ստուարացուցանէ սուտակասպասն զայն ինչ՝ զոր նա՝ զորոյ վմիտսն կամիցի հաճել, կամի թէ մեծ իցէ:

Նման իրի թէպէտ եւ այն հրապուրիչ ընդունայ-
նութիւն առ նոսա միայն մուտ գտանիցէ որ նմին կեր
արկանիցեն եւ զնոյն հրաւիրեալ կոչեցեն. բայց սակայն
եւ զհաստատունսն եւս պարտ է խրատել, այնմ իմն
ցանգ ուշ ունել, զի մի նենգաւոր սուտակասպասութիւն
յանկարծակի ի վերայ հասեալ զնոսին ըմբռնիցէ: Վա՛ն-
զի չիք դք որ չտեսանիցէ զլայտնի սուտակասպասն, բայց
նա միայն որ կարի դք թանձրամիտ իցէ: Այլ զի մի նեն-
գաւորն այն եւ խորամանկ գաղտ սպրդեալ մտանիցէ,
բազում զգուշութեան եւ յաճախագոյն փութոյ պէտք
են: Վա՛նզի չէ ինչ դիւրին զայն ճանաչել. բազում ան-
գամ մինչ հակառակն կայցէ, ողորէ. եւ է ուրեք զի այն-
պէս իմն ցուցանէ թէ ընդ հակառակս մտեալ եւ ի կռիւ
յարուցեալ իցէ. սակայն եւ այն գործ սուտակասպա-
սութեան է. յայն սակա վաղվաղակի տայ ձեռս եւ առ-
նու յանձն զպարտութիւն. զի որ նորա փաղաքշանօքն
խարիցի, կարի կորովի մտօք զանձն համարիցի: Այլ զի
մի այն դիպիցի՝ պարտ եւ պառշաճ է ցանգ սկել եւ հա-
նապազ զգոյշ լինել. որպէս եւ յԱպիկղերն կայ թէ
ԲԱԶ ԻՍԿ ԶԱՂ ԵՒ ԾԱՆԱԿ ԱՐԱՐԷՔ ԱՅՍՕՐ ԱԹԱԶԻ ԻՄ
ԶԱՄԵՆԱՅՆ ԳՈՒՍԱՆԱԿԱՆ ԾԵՐՍ ԱՆՄԻՑՍ:

Օ՛ի եւ յառասպելն եւս քան զամենայն կերպա-
րանս անմտագոյն՝ կերպարանք ծերոց աղճատելոց եւ միա-
մտաց է: Այլ չգիտեմ զիարդ ի բարեկամութենէ արանց
կատարելոց, այս ինքն իմաստնոցն (զայնմ իմաստութե-
նէ ասեմ, որում մարդիկ կարիցեն հասանել) ի թեթե-
ւագոյն բարեկամութիւն ճառքս խոտորեցան: Ի՞նչ այն-
պէս իցէ, դարձցուք անդրէն ի մեր բանս, եւ զնոյն բո-
վանդակեցուք:

Ի՛նչ

Առաքինութիւնն, Փաննիոս եւ Սուկիոս, առաքի-
նութիւնն ինքնին ի գլխովին բարեկամութեանց առիթ
լինի, եւ զնոսին պահէ. քանզի ի նմա իսկ է միարա-
նութիւն ամենայն իրաց, ի նմին հաստատութիւն, ի նմին
անմեղկութիւն, որ յորժամ յայտ զանձն առնիցէ, եւ
զիւր մեծապայծառ լոյսն ցուցանիցէ, եւ յայլն եւս զնոյն

Հայեցեալ տեսանիցէ, երթայ մօտ ի նա եւ ընդ նմին գիրկընդխառն լինի, որով նոցա սէրն եւ բարեկամութիւն վառեալ բորբոքի. քանզի եւ երկաքին եւս ի սիրելոյ անուանին: Դսկ սիրելն չէ այլ ինչ, բայց միայն խնամ ունել այնմ՝ զոր սիրեսն, առանց ինչ կարօտութեան եւ առանց օգտութիւնս խնդրելոյ: Սակայն եւ օգուտն եւս ի բարեկամութենէն ծաղկեալ բղխէ, թէպէտ եւ չիցես պնդեալ զնորին զհետ: Սոյնպիսի ինչ գլխով մեք ի մերում պատանեկութեան զհինօրեայ ծերսն զայնոսիկ զՎ. Պաւղոս, զԼատոն Լարէց, զԿ. Վաղղոս, զՊ. Նազեկա, եւ զՏի. Պրակքոս զաներ Ակիպիոնեայ, սիրեցաք: Եւս սոյն այս առաւել յայտնագոյն ի մէջ զուգականաց, որպէս յիմ եւ ի Ակիպիոնեայ, ի Վ. Փուրիոսի եւ ի Պ. Ուուպիզեայ եւ ի Սպ. Սիւմիոսի միջեւ երեւիցի: Սոյնգունակ եւ մեք ծերքս պատանեացն սիրով ուրախ լինիմք. որպէս ձեր եւ Կ. Տուբերոնի սիրովն: Եւս սոյնպէս եւ Կ. Հռուտիղեայ պատանւոյ, եւ Ե. Վ իրգինեայ մանկան ընտանութիւն կարի զիս ուրախ առնէ: Քանզի այս ինչ պայման է կենաց եւ բնութեան մերոյ, զի ազգի ազգի տիք հասակաց զմիմեանս յաջորդիցեն. այլ առաւել ցանկալի այն է, զի ընդ զուգականաց՝ ընդ որս զւոյսն տեսեր, եւ ի վախճան կենաց հասանիցես:

Եւս քանզի անկայականք եւ անհաստատականք են իրք մարդկօրէնք, պարտ եւ պատշաճ է մարդկան սէր ընդ միմեանս ունել: Օք ի բառնալ սիրոյ եւ խնամոց, ամենայն քաղցրութիւն ի կենաց մարդկան ջնջեալ կորուսեալ է: Թէպէտ եւ վաղ բարձաւ յինէն Ակիպիոն, սակայն կեայ, եւ ցանգ կեցէ. քանզի զնորա զառաքինութիւնն սիրեցի՝ որ շեջաւ իսկ ոչ: Այլ իմոց աչաց միայն առաջի կայ, որ միշտն նմա մօտ էի, այլ եւ յետնոցն եւս անուանի եւ բարենշան լինիցի: Զգտանիցի դք որ մեծամեծ ինչ իրս կամիցի վճարել, եւ չհամարիցի եթէ պարտ իցէ նմա զնորին յիշատակ եւ զպատկեր իւր առաջի դնել: Երգարեւ իսկ յազգի ազգի իրս՝ զորս բախտն եւ կամ բնութիւն ինձ ետուն, չիք ինչ զոր ընդ Ակիպիոնեայ բարեկամութեանն կարիցեմ կշռեալ համեմատել: Ի սմին վասն ընկերհաշտութեանն հաւանութիւն, ի սմին խորհուրդք զաւտնին իրաց: Ի նմա բազում հան-

Վսմին իրի թէպէտ եւ այն հրապուրիչ ընդունայնութիւն առ նոսա միայն մուտ գտանիցէ որ նմին կերարկանիցեն եւ զնոյն հրաւիրեալ կոչեցեն. բայց սակայն եւ զհաստատունսն եւս պարտ է խրատել, այնմ իմն ցանդ ուշ ունել, զի մի նենգաւոր սուտակասպասութիւն յանկարծակի ի վերայ հասեալ զնոսին ըմբռնիցէ: Վրան զի չէր որ չտեսանիցէ զլայտնի սուտակասպասն, բայց նա միայն որ կարի որ թանձրամիտ իցէ: Եւ զի մի նենգաւորն այն եւ խորամանկ գաղտ սպրդեալ մտանիցէ, բազում զգուշութեան եւ յաճախագոյն փութոյ պէտք են: Վրանզի չէ ինչ դիւրին զայն ճանաչել. բազում անգամ մինչ հակառակն կայցէ, ողորդէ. եւ է ուրեք զի այնպէս իմն ցուցանէ թէ ընդ հակառակս մտեալ եւ ի կուր յարուցեալ իցէ. սակայն եւ այն գործ սուտակասպասութեան է. յայն սակս վաղվաղակի տայ ձեռս եւ առնու յանձն զպարտութիւն. զի որ նորա փաղաքշանօքն խարիցի, կարի կորովի մտօք զանձն համարիցի: Եւ զի մի այն դիպիցի՝ պարտ եւ պատշաճ է ցանգ սկել եւ հանապազ զգոյշ լինել. որպէս եւ յԱպիկղերն կայ թէ

ԲԱԶ ԻՍԿ ԶԱՂ ԵՒ ԾԱՆԱԿ ԱՐԱՐԷՔ ԱՅՍՕՐ ԱԹԱԶԻ ԻՄ
ԶԱՄԵՆԱՅՆ ԳՈՒՍԱՆԱԿԱՆ ԾԵՐՍ ԱՆՄԻՑՍ:

Օ՛ի եւ յառասպելսն եւս քան զամենայն կերպարանս անմտագոյն՝ կերպարանք ծերոց աղճատելոց եւ միամտաց է: Եւ չգիտեմ զեւրդ ի բարեկամութենէ արանց կատարելոց, այս ինքն իմաստնոցն (զայնմ իմաստութեանէ ասեմ, որում մարդիկ կարիցեն հասանել) ի թեթեւագոյն բարեկամութիւն ճառքս խոտորեցան: Ինչէ այնպէս իցէ, դարձցուք անդրէն ի մեր բանս, եւ զնոյն բովանդակեսցուք:

ԻԷ

Եւաքինութիւնն, փաննիոս եւ Սուկիոս, առաքինութիւնն ինքնին ի գլխովին բարեկամութեանց առիթ լինի, եւ զնոսին պահէ. քանզի ի նմա իսկ է միաբանութիւն ամենայն իրաց, ի նմին հաստատութիւն, ի նմին անմեղկութիւն, որ յորժամ յայտ զանձն առնիցէ, եւ զիւր մեծապայծառ լոյսն ցուցանիցէ, եւ յայլսն եւս զնոյն

Հայեցեալ տեսանիցէ, երթայ մօտ ի նա եւ ընդ նմին գիրկընդթառն լինի, որով նոցա սէրն եւ բարեկամութիւն վառեալ բորբոքի. քանզի եւ երկզքին եւս ի սիրելոյ անուանին: Իսկ սիրելն չէ այլ ինչ, բայց միայն խնամ ունել այնմ՝ զոր սիրեսն, առանց ինչ կարօտութեան եւ առանց օգտութիւնս խնդրելոյ: Սակայն եւ օգուան եւս ի բարեկամութենէն ծաղկեալ բղխէ, թէպէտ եւ չիցես պնդեալ զնորին զհետ: Սոյնպիսի ինչ գլխով մեք ի մերում պատանեկութեան զհինօրեայ ծերսն զայնոսիկ զՎ. Պաւղոս, զԿատոն Լարէց, զԿ. Վաղղոս, զՊ. Նազիկա, եւ զՏի. Վրակքոս զաներ Սկիպիոնեայ, սիրեցաք: Եւ սոյն այս առաւել յայտնագոյն ի մէջ զուգականաց, որպէս յիմ եւ ի Սկիպիոնեայ, ի Վ. Փուրիոսի եւ ի Պ. Սուպիղեայ եւ ի Սպ. Սուամիոսի միջի երեւիցի: Սոյնգունակ եւ մեք ծերքս պատանեացն սիրով ուրախ լինիմք. որպէս ձեր եւ Կ. Տուբերոնի սիրովն: Սոյնպէս եւ Կ. Հուստիղեայ պատանւոյ, եւ Ե. Վ իրգիւնեայ մանկան ընտանութիւն կարի զիս ուրախ առնէ: Քանզի այս ինչ պայման է կենաց եւ բնութեան մերոյ, զի ազգի ազգի տիք հասակաց զմիմեանս յաջորդիցեն. այլ առաւել ցանկալի այն է, զի ընդ զուգականաց՝ ընդ որս զլոյսն տեսեր, եւ ի վախճան կենաց հասանիցես:

Եւ քանզի անկայականք եւ անհաստատականք են իրք մարդկօրէնք, պարտ եւ պատշաճ է մարդկան սէր ընդ միմեանս ունել: Օք ի բառնալ սիրոյ եւ խնամոց, ամենայն քաղցրութիւն ի կենաց մարդկան ջնջեալ կորուսեալ է: Թէպէտ եւ վաղ բարձաւ յինէն Սկիպիոն, սակայն կեայ, եւ ցանգ կեցէ. քանզի զնորա զառաքինութիւնն սիրեցի՝ որ շեջաւ իսկ ոչ: Այլ իմոց աչաց միայն առաջի կայ, որ միշտն նմա մօտ էի, այլ եւ յետնոցն եւս անուանի եւ բարենշան լինիցի: Չգտանիցի ոք որ մեծամեծ ինչ իրս կամիցի վճարել, եւ չհամարիցի եթէ պարտ իցէ նմա զնորին յիշատակ եւ զպատկեր իւր առաջի դնել: Երդարեւ իսկ յազգի ազգի իրս՝ զորս բախտն եւ կամ բնութիւն ինձ ետուն, չիք ինչ զոր ընդ Սկիպիոնեայ բարեկամութեանն կարիցեմ կշռեալ համեմատել: Ի սմին վասն ընկերհաշտութեանն հաւանութիւն, ի սմին խորհուրդք զառտնին իրաց. ի նմա բազում հան-

գիտաս ուրախարարս գտի: Եւ ոչ փոքու ինչ իւրք, որ-
չափ յիշեմն, դժկամակ զնա արարի. չէ իմ լուեալ ի
նմանէ ինչ մի ի չախորժականացն: Սի տուն էր մեր եւ
կերակուր նոյն, եւ այն հասարակաց: Ոչ միայն ի զե-
նուորութեանն, այլ եւ ի պանդխտութիւնս եւ ի զբո-
սանս շինից եւ ազարակաց ցանգ ի միասին էաք:

Այլ զի՞նչ զփութոյն յուսումն եւ ի ծանօթու-
թիւն ազգի ազգի իրաց ասիցեմ, յորում հեռացեալ յա-
չաց ամբոխին, զնաւ ժամանակս մեր դատարկս անցու-
ցաք: Եթէ յուշաբար յիշատակք իրացն այնոցիկ ընդ
նմին բարձեալ կորնչէին, չկարէի ժոյժ ունել անձկոյ առն
ընտանւոյ եւ ջերմաջերմն սիրելոյ: Իսկ սակայն չեն
ինչ շիջեալ եւ կորուսեալ. մանաւանդ թէ աճեալ սնանին
ցանգորդն խորհրդովք եւ յիշատակօք: Եւ եթէ զրկեալ
եւս յայնցանէ գտանէի, սակայն բազում սփոփութիւն
հասակ ծերութեան իմոյ ինձ մատուցանէր. քանզի չէ
ինձ մարթ բազում ժամանակս սովին անձկով անձկաբէկ
լինել: Իսկ որ ինչ սակաւ ժամանակեայն է, պարտի եւ հան-
դուրժական եւս լինել, թէպէտ եւ մեծ եւս իցէ:

Ոչոյս ինչ զբարեկամութենէ կարէի ասել: Այլ
թելադիր ձեզ լինիմ, զի այնպիսի մեծարոյ կարծիս զա-
ռաքինութենէ ունիցիք, քանզի բարեկամութեանն չէ
մարթ առանց նորա լինել, որպէս զի քան զնա այլ ինչ
չհամարիցիք պատուականադոյն քան զբարեկամութիւն:



1. Ջուլմ պատմաճանե տե, զոր
Հռոմայեցւոց պատանիքն զգննուին,
յորժամ յիծերորդ տմ հասակի հա-
սանէին. քանզի փնչու ցայն տիւ որ-
դիւ ազատացն զեզրանիրանին կրեին:

2. Սոկրատես է պրն, զորմ պա-
պես տսէր հրաման պատասխանուլ
Ապոլոնիայ:

Σοφός Σοφοκλής, σοφώτερος δ' ἔν-
ουπιδης
Ἀνδρῶν δ' ἄπαντων Σωκράτης
σοφώτατος.

Իմաստուն Սոփոկլէս, առաւել ի-
մաստուն Եւրիպիդէս,
Քան զամենայն մարդիկ Սոկրատես
իմաստնագոյն:

3. Աշտերաք Սաղիկեան վար-
դապետութեանն բովանդակութիւն
համբռն բարութեանց զառարկնու-
թիւնն գնէին. նմն իրի եւ տսէին
իսկ եթէ որ զառարկնութեամբն գոյ-
ցէ, ցանդ բարեշէն երկանիկ լինիցի,
թեպէտ եւ յերկրաւոր բարութեանց
թափուր իցէ:

4. Հռոմայեցւոց օրենք զիմամա-
նքս հրամայէին կացուցանել բղէլիս.
այլ Սկիպիոն ԼՁ ամաց զայն իշխա-
նութիւն առ:

5. Ջկարբեգոնացւոց քաղաքն յԱ-
փրիկեցւոց աշխարհին, եւ զյուսման-
տիւ ի Սպարտացւոց աշխարհին:

6. Քանզի առանց ինչ խօթու-
թեան ի փում գիշերի ի կենաց պա-
կասեր ամաց ԾՁից:

7. Պիւթագորաս եւ Նորին աշա-
կերաք զտարին կողմանս Իտալացւոց
աշխարհին՝ որ մեծ Յունաց աշխարհ
կոչէր, ուր պսժ նեւապոլեացւոց
աշխարհն կայ, հրահանգէին:

8. ՋՍաղիկեանցն կամ յայտ առ-
նել, որք տսէին թէ իմաստունը փայն
կարեն լինել առաքինիք:

9. Եմֆեոսկէս ազրիզնդացի է՝
Պիւթագորայ աշակերտ, զորմ պա-
մկ Որաստիս պապիսի ինչ, եթէ ցան-
կացեալ Նորա ի համար դիցն խառ-
նել, բարավէժ զանձն ի վիճ Եանայ
բարբաբիլոյ տար: Քանզի պնպիսի
ինչ կարծիք էին առնին, եթէ՝ որ
յանկարծակի չիւր յաշաց լինիցի. ի
բազմրան կեանս Ողիմպեայ ընդ դիւն
վայելցէ: Որոք. վան տրաւ. պոփ:

10. Որեստես ուսար Ագամեմո-
նեայ վան քինսինգիք հարն մահուան
լինելոյ՝ զիւր մայրն ողանանէր, եւ
զէմ եղեալ տարագէմ ի քերոնեոսս
Յաւրիացւոց գնայր: Անդ փնչեա-
կամբն զԱմահապան պատկերն գո-
ղանալ, անկանէր ի բուռն, եւ ի
մահ ի Թագաւորէն գառապարտեր:
Այլ Պիլադէս Նորին կարեւոր բա-
րեկամ, վան զնա ի մահուանէն
թափելոյ, մասուցեալ տսէր ճիւ-
ղաւորն՝ որում չէր ծանօթ Որեստես,
թէ ինչն Որեստն իցէ, զի փոխանկ
Նորա մուցի: Վլիք. Ենի. Յոթնալ:

11. Քանզի Հռոմայեցիք amor զտերն
կոչեն եւ amicitia զբարեկամութիւնն:

12. Տարկուինոս Ամբրաստան
հուսկ յեանն Թագաւոր Հռոմայե-
ցւոց, վան իւրոց անագործնու-
թեանցն տսելի ամենեցուն լինէր,
եւ ի մեան Բրուտայ ի Թագաւո-
րութենէ մարտեր, եւ այնուհետեւ
հիւպատո փոխանկ Թագաւորաց
Հռոմայեցիքն կացուցանէին:

13. Կ. Գարբինոս եւ Կ. Կաստիոս
առնպապեր օրենս կարգէին զի ի
հառարակաց խորհուրդս իւրաքանչիւր
դը զիւր կարծիս ի տախտակ գրող-
մալ ցուցանիցէ խորհրդականաց, եւ
որ ինչ ի խորհուրդս յայնոսիկ հա-
տատենն, անուանեալ կոչէին Որենք
տախտակաց:

14. Կորիզանոս իրեւ տարագիր
ի Հայրենի աշխարհէն լինէր, զվարդ-
կացիոն ի մարտ պատերազմի ի վերայ
Հռոմայեցւոցն յարուցանէր: Նոցա
զորքն՝ որոց ինքն զօրաւոր եկաց,
զՀռոմ պաշարեաց եւ ի տաղնապի
զՀռոմայեցիոն կացոյց: Ազաւանդ
մօր նորա եւ կնոջ՝ զերծանէր քա-
ղաքն:

15. Թեփոսակէն յեա յաշխար-
հէն վաարելոյ, ձեռս եա յԱրաաշէս
արքայ Պարսից՝ խնդրել ի նմանէ զօ-
րաւիգն օգնականութեան, զի զՀամն-
րէն Յունաց աշխարհ ընդ նորա ձե-
ռամբ նուաճիցէ: Այլ չեւ ձեռնա-
մուխ ի գործն եղեալ՝ ախաւ Չեռա-
նէր եւ ժռանէր ի նփն: Այսպէս
զսոյն ձեւ թուկիդիտէս. բայց այլք
պլազունակս իմ պատմն, եթէ ի-
րեւ ետես թէ չէ տասկ զոր խոստա-
ցան կատարել, անձին արար:

16. ԶՌոմիզոս եւ զՌեմոս, զԵ-
դիստոս եւ զՊիատս եւ զԼիւրոս կամօ
յայս առնել, որ ի Հովուաց եւ յան-
դերգաց սնան:

17. Նէոպաոզեմոս՝ որ Թարգմա-
նի Նոր մարտիկ, անուն յարկորա-

նաց Պիւռայ որդւոյ Աբիղէոյ է,
քանզի ի ախեզն Հասակի ի Ցրովա-
կան պատերազմ չղբաւ:

18. Ղիւկիմիդէս Թագաւոր էր
Սկիրացւոց, որում զԱբիղէոս՝ մայր
նորին եա պահել ի Հանդերձս կա-
նացիս, զի ֆ ի Ցրովական պատե-
րազմ գնայցէ:

19. Տիմոն աթենացի Թշնամի Հա-
մարէն մարդկութեանն էր, եւ չիտեր
ընդ ուժք. նփն իրի իսկ Μισάν-
θροπος յԱթենացւոց անուանէր, որ
Թարգմանի Հայերէն Մարգատեաց:

20. Արքիա տարենացի անդաթին
ի Պիւթագորայցն փիլիսոփոս, օ-
րէնագիր եւ յանձանձիլ իւրոյ աշ-
խարհին եղեւ:

21. Անդրիացին, այս ինքն կին ֆ
յԱնդրոս կղզւոյ, իաղ է ի դուստ-
նական խաղւոցն Ցերենաեոյ:

22. Զօրական սնապարծ եւ անձն-
գով՝ զԹրաստոսէ տոն, զոր Ցերեն-
աիոս յիւրում խաղուն ընծայեցոյց:
Քանզի ցանդ զմեծամեծ ինչ իրաց՝
զորս չէրն գործեալ բարբառէր, եւ
զնոսա փայն իւր բարեկամ Համա-
րէր՝ որ զնա յարգեալ գովէին:





